

增補文獻備考

三十四

內閣文庫		
函	冊	號
五	一	四
四	一	三
架	冊	號
五	一	三
函	冊	類
五	一	三

內閣文庫		
番號	漢 6143	
冊數	51 (35)	
函號	294	19



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak



增補文獻備考卷之一百六十七

弘文館纂輯校正

市糶考

附各道還穀數

各倉取耗法見上○丘還耗每石減五升

常平廳

專管京畿五站勅需

賑恤廳

初名救荒廳後屬宣惠廳此兩廳并英祖己丑條

京畿常平米二千八百五石各穀五萬四千五百十三石○賑恤米

一萬七千四百二十三石各穀三十二萬二千八百六十三石

忠清道常平米一萬二千四百二十九石各穀二十五萬五千八百

二十五石○賑恤米三萬八千九百八十八石各穀二十三萬二千

七百七石

江原道常平米一萬一千九百九十九石各穀八萬五千九百三十八石○賑恤米三萬三千三百四十七石各穀十七萬二千四百六十八石
 黃海道常平米三千八百四十二石各穀十二萬七千九百十八石
 全羅道常平米七萬一千八百七十七石各穀十二萬七千三石○賑恤米八千九百九十七石各穀一萬四百一石
 慶尙道常平米三萬二千二百二十四石各穀六十五萬三千五百六十二石○賑恤米五萬二千九百七十四石各穀十九萬三千八百九十五石

平安道常平米七萬一千七百二十二石各穀六萬五千六百六十

三石
 咸鏡道常平米一萬五百二十九石各穀十二萬七百六十六石○賑恤米五千五百三十六石各穀十萬九千七百二十石

續常賑廳合錄

自十數年來因惠堂筵稟定奪不為區別并合錄○正祖戊申摠

京畿米四千三百十二石田米五千八百十三石各穀二十九萬二千九百五十四石
 忠清道米二萬五千五百八十三石田米九千五百六十八石各穀三十三萬四千二百二十八石
 江原道米一千六百七十四石田米八千九百四石各穀十五萬八千二十五石

黃海道米一百八十三石田米六千七百三十三石各穀十八萬七千三十三石

全羅道米四萬七千八百九石田米二百九十石各穀七十萬五千

二百十七石○濟州三邑田米五百五十六石各穀二千四百九十

三石

慶尙道米四千一百五十六石田米七萬四千九百六十九石各穀

一百萬三千九百四十七石

平安道米一萬五千四百七十七石田米八萬六千七十七石各穀九

萬七千三十一石田米一百一十八石各穀十二萬一千六百六十六石○

咸鏡道米一百二十九石田米三千四百三十一石各穀十六萬七

百五十五石

軍資倉

英祖己丑總

京畿米一千一百十九石各穀九千八十二石

忠清道米一萬六千一百四十二石各穀一萬一千八百四十三石

江原道米三千三十三石各穀一萬六千四百石

黃海道米三萬六千二百六十四石各穀十三萬六千九十二石

全羅道米十四萬一千六百六十八石各穀三萬八千八十八石

慶尙道米十七萬四千二百五十五石各穀十七萬四千四百五石

平安道米五十萬八千四十八石各穀五十三萬九千七百八石

咸鏡道米六萬三千一百九十石各穀十萬四千五百七十八石


續軍資倉 正祖 戊申 摠

京畿米三千三十石各穀一萬三千一百八十五石
 忠清道米四萬四千八百十二石各穀一萬一千四百四十三石
 原春道米三千四百五石各穀一萬六千一百七十四石
 黃海道米三萬六千四百五十二石各穀十四萬一千八百八十八石
 全羅道米十六萬七千一百九十一石各穀二萬四千二百二十五石
 慶尙道米二十二萬五千八十七石各穀二十一萬七千九百十五石

平安道米二十九萬五百十八石各穀三十六萬四千三百五石
 咸鏡道米五萬九千七百四十三石各穀九萬二千九百七十石

備邊司勾管 英祖 己丑 摠

京畿營賑庫米一千五百二十六石各穀三萬一千九百十三石
 巡牙兵軍餉米五百七十石各穀五千九百四十八石
 會錄營賑各穀一千五十六石
 帖價會錄巡牙兵租一千五十六石
 軍作米一千三百七十石租二百四十四石
 雇馬廳癸甲租六千四百三十六石
 水原軍餉米五千四百二十四石
 大豆六千五百五石
 各鎮軍餉米一千二十四石
 各穀三百五十九石
 喬桐軍餉米三千四百二十四石
 租二百二十九石
 松都軍餉米一



萬九千二百四十六石各穀一萬一百九十七石○江都軍餉米四萬一千一百三十六石大豆七千六百六十四石○南漢軍餉米五萬九千七百二十石各穀二萬二千四百七十六石○北軍軍餉米三萬一千七百六十八石大豆三百七十七石○三倉軍餉米一萬四千九百三十六石大豆三百五石
忠清道營賑米九百四石各穀五萬五千七百五十六石○軍作米一萬五千九百三十七石○楊津倉軍餉米三千五百八十石大豆二千九百七十四石○貢津倉軍餉米八千八百十二石大豆五百三十六石○北穀移轉牟一千一百十五石○濟民倉米二千三百六十三石各穀三萬九百四十九石○雙樹山城軍餉米二萬三千

一百九十三石大豆五千六百二十三石○安興鎮軍餉米一千三百二十三石○兵營所管上黨軍餉僧軍餉合米一萬二千一百七十三石大豆三千五百十四石○水營所管元山倉劃得安興津米五千九百七十九石各穀五千七十六石○各邑鎮兵糧待變餉米二千七百九十四石
江原道江陵等十邑米八百五十二石各穀二萬二千二百三十八石○帖別備米八千九百十八石各穀六萬六千八百四十一石
黃海道監營元賑穀米九千四百三十二石各穀五萬四千一百二十九石○私賑米三百七十七石各穀二千四百二十一石○自備穀米四百八十四石各穀一萬九千三百九十七石○五山城耗穀

米二百十二石各穀一萬六千八百四十石○太白山城取耗米六千一百七十六石○軍餉米七千九十二石各穀六千八百十六石○勅需米三萬九百三十六石各穀五百七十七石○兵營軍餉米一千九百五石各穀四千七百三十三石○陸鎮米一千九百三十五石各穀四千五百四十四石策應庫米七百九十八石○新倉米三千五百十石○水營軍餉米二萬四千六百三十三石○軍需庫米二百石○各鎮米二百六十六石

全羅道軍作米三萬一千八百十八石○十三邑船米三萬三百六十二石○松鹽船價各穀四千六百六十石○北關米一萬六千八百十八石各穀二萬四千六百十八石○別檢米五千三百九十五石

○右濟民倉米九百四十一石各穀三萬五千四百六石○左濟民倉米六千六百五石各穀三萬二千九十九石○守城倉米一千八百五十石○牛稅租一千八百一十一石○牛價買米四千五百四十九石○私備米五百六十六石各穀一萬五千二百四十三石○東北米一萬一千八百七十六石各穀二萬七千九十九石○右水營兵船儲置米二萬二千九百五十四石○左水營兵船儲置米二萬五千二百三十石○船價米六百十二石○光陽船價米五十石○五山城軍餉米五萬一百四十三石各穀五千四百六十石○會外米一千一百三十六石各穀八百六十六石○監營餘軍布作米一千三百十三石○休番皮牟二千四百七十石



慶尙道軍作米錢作米合九萬一千十四石各穀二萬三千三百二十七石○射軍布作米二萬二千五百三十三石○別會米二萬九千八百十石各穀十一萬九千九百十六石○帖價私賑備荒米二百二十七石各穀十三萬九千一百八十五石○濟民倉米三千九百三十石各穀五萬四千一百二十一石○浦項倉米二千七百六十五石各穀七萬一千九百五十石○蒜山倉米五千三百石各穀八十七石○統營會內外米七萬五千四百三十三石各穀十六萬七千三百五十六石○補餉米五千九百一石各穀三萬二千二百三十三石○軍布及錢作米二萬三千四百七十一石○舊退船價米一千七十七石各穀八百一十一石○帖價米二十二石各穀九十七石○左水營

舊退船價米七百二十七石○左兵營甲冑價米二千三百五十六石○華山築城米三千二百三十二石○右兵營蠶石山城餉米四萬三千五百九石各穀四萬七千九百九十八石○密陽糧餉米五百二十一石各穀一百五十九石

平安道米三十二萬四千四百六十七石各穀九萬六千五百七十二石○慈母山城修補次米二萬九千五百六十八石各穀三百七十石○私賑米二萬七千八百三十六石各穀八萬五千一百二十三石○稅收米二十三萬七千四百四石各穀二十萬一千九百一石○白馬山城米四百七石各穀一千五百六石○三和宣川海倉米九千五百八十八石各穀三千九十九石○兵營屬各山城米一

萬二百六十九石各穀三萬二百二十八石○兵營所在米三百九十三石○勅需庫米五萬七千二百七十五石
 成鏡道交濟倉米二萬四千五百七十三石各穀十六萬五千三十石○私賑米七百四十六石各穀五萬五千六百七十石○北兵營米二萬五千八十一石○各鎮堡米七百四十三石各穀二千四百二十一石○吉州別置米二千五百六十九石○吉州以北米四千一百六十石各穀一千一百五十九石

臣謹按各道所在還穀之數贏縮無常故只錄已丑條見在之

穀簿如右

續備邊司勾管

正祖戊申摠

京畿營賑米一千四石大豆三千五百六十三石各穀三萬四千一百十六石○巡牙兵租五千八百九十二石○軍作米六百七石租三百五十石○雇馬廳租四千一百二十九石○水原軍餉米三千九百六十九石大豆五千七十五石○各邑軍餉米五千八百八十五石各穀五百八十四石○松都軍餉米八千五百七十石各穀一萬五千一百九石○江都軍餉米三萬一千九百四十三石各穀一萬一千五百十八石○南漢軍餉米二萬八千三百七十三石各穀二萬一千三百四十三石○北漢軍餉米二萬五百五十一石大豆一百三十三石○三倉軍餉米八千八百十四石大豆三百六石忠清道營賑米七十三石大豆九十九石各穀二萬二千八百十石

牟二萬六千八百八十七石○軍作米五千五十五石○楊津倉軍
 餉米一千三百十六石大豆三千八百四十一石○貢津倉軍餉米
 一千六百三石大豆八十八石○北穀移轉米四千五百四十二石
 大豆二千九百七十四石各穀三萬一千四百十五石牟六千一百
 三十七石○南穀移轉米六百二十石租一萬八千九百八十八石
 ○濟民倉米一千二百八十六石大豆五百二十七石租七千五十
 七石○雙樹山城軍餉米一萬七千四百四十七石大豆六千一百
 十九石○兵營所管上黨山城軍餉米六千二百四石大豆四千九
 百三十三石○僧倉軍餉米四百九十五石○水營所管軍餉米一
 千二十三石○劃得行營米五千八百八十八石○軍需米二千八

百四石○元山倉米二千六百三十七石大豆一千五百三十一石
 各穀一萬二千一百九十石○兵糧越海糧米二千四百七十四石
 ○舊退船價米二百二十六石

江原道備局勾管米六千十七石各穀二萬二千八百九十六石○
 備邊局勾管本司近例詳賑穀變文米八百五十七石各穀二萬五

千九百十石○帖別備米七千二百三十四石各穀九萬九百石
 黃海道監營元賑米二千七百石各穀五萬六千四百四十五石○
 私賑米五百四十五石各穀九千五百六十九石○自備穀米四百
 三十七石各穀四萬五千八百四十一石○太白山城軍餉米二千
 九百二十六石各穀八十一石○取耗米二千五百五十石○勅需

米三萬七千六百七十二石各穀五百七石○管餉會外米六十石
 各穀二萬三千二百石○兵營策應庫米二千一百四石○新倉米
 六千石○軍餉米八千九百三十石各穀一萬六千六百七十八石
 ○水營軍餉米三萬一千一百九十六石○軍需庫米五百五十石
 ○各鎮米二百六十六石
 全羅道軍作米一萬一百十七石○十三邑船米三萬九千八百三
 十五石○別檢米八千四百五十七石各穀八千三百八石○濟民
 倉米三千七百五十九石各穀四萬九千一百七十六石○守城倉
 米一萬三千三百二十石○牛貫租九百五十七石○牛價米三千
 九百七石○私備米八千三百二十一石各穀三萬六千八百七十

八石○左水營船價米一千四百三十九石光陽船價并入○五山城軍餉
 米五萬八千五百十八石各穀五千一百四十五石○會外米二百
 九十九石各穀三十二石○餘軍布作米二千三百二十四石○休
 番皮牟四千六百六石米二千一百二十石各穀三千一百六十一
 石○僧番米七千二百六十石○左水營兵船儲置米五萬八百五
 十七石○右水營兵船儲置米三萬二百四十五石
 慶尙道軍作米二萬七千三百九十五石各穀八千九百七十二石
 ○南倉錢作米三萬八千六百八十石○射軍木作米八百三十八
 石○帖價私賑備荒米一百六十一石各穀一萬四千六百三十石
 ○別會米二萬二千一百四十七石各穀十一萬一千三百九十八

石○賑恤庫米二千八百八石各穀六千八百九石○蠹石山城錢
 作米一千一百六十四石○架山山城補城米六百三十七石大豆
 三千二百六十五石○左兵營華山築城錢作米七千三百八十六
 石甲冑價米二千三百二十石○東萊修城所米五百二十九石○
 密陽糧餉米三百八十八石各穀一百四十六石○善山邑城所租
 三千六十一石○金烏山城米二萬一千二百五十八石租五千四
 百四十九石○鳥嶺山城錢作米二千六百五十八石補餉米一千
 九百三十二石○濟民倉米三千七百六石各穀五萬三千八百四
 十二石○浦項倉米七百九十九石各穀二萬七千四百十九石○
 蒜山倉米四千五百九十六石募軍租三百七十七石○防債米三

千二百九十三石各穀六萬三千六百七十五石○左兵營軍餉米
 八萬四千六十二石各穀八萬九千八百六十七石別餉米五千四
 百七十一石○左水營舊退船價米五百三十四石○統營補餉米
 三千八百六十石租二萬六千七百四十九石錢買米一萬四百九
 十二石軍作布米八千七百十五石別餉米六萬二千三十六石船
 帖價米三千五百四十二石租二千三百九十七石○三南會內外
 米六萬七千六百三十一石各穀十五萬三千九百六十一石
 平安道補餉大米一萬五千五石小米三萬一千五百九十石大豆
 三千一百七十五石各穀五千四百二石○別餉大米五萬二千三
 百八十石小米十九萬七千二百八十一石大豆五萬一千七百三

十一石各穀三萬八千五百六石○私賑大米四千四百五十石小
米二萬六千一百六十五石大豆一萬五千一百十七石各穀四萬
八千九百十四石○慈城補城大米三千八百六十四石小米三萬
九千二百二石各穀六百七十石○信蓼價小米四千八百九十八
石○三和宣川大米一千一百四十石小米六百四十二石大豆一
百十六石各穀十二石○兵營穀大米五千七百三十四石小米二
千五百五十八石大豆三千四百四石各穀六萬八千一百二十五
石
咸鏡道交濟倉散在米五千八百九十六石各穀六萬一千八百八
十三石○舊置米三萬二千二百三十三石各穀十萬四千八百三

石○北差需米一千七百四十石各穀一萬六千八百五十四石○
備邊司句管米一千五百一十一石各穀一千一百三十一石○城餉
米五百二十五石各穀四百二十石○私賑米二千六十五石各穀
七萬八千五百一十一石○吉州以北備邊司句管各穀一千二百八
十石○吉州別置田米二千七石○北兵營軍餉米六千九百四十
石○各鎮堡軍餉米七百四十四石各穀二千四百二十石
續七年命北關還穀中一萬石作銀封不動以爲不虞備
續八年命諸道年還折半分留
續九年命諸道分糶平均排比
領議政徐命善啓糶糶之法蓋欲使倉無紅腐之患民有歛散之利

固當精俵均給俾無偏苦偏逸之歎吏鄉輩從中操縱每遇豐年稍裕之類請托倉屬百計圖免故貧戶所受倍於歉歲而收捧之難職由於此今當大有之餘其所申飭尤不容少緩諸道分糴之時使之
一依帳籍與結夫平均排比從之

續十三年分兵曹參知朴孝參疏陳還弊

疏略曰臣罷官踰嶺十有五年目覩耳聞不過生民疾苦汚吏殘酷也故不拘常格敢效叫闈之悃惟聖明垂察焉外邑還穀之爲民弊者無邑不然其中最甚者居昌咸陽山清安義三嘉等邑是已每邑穀摠殆至十萬而三營之穀居其半空穀之數三之二也有國之設置還穀者一以儲軍餉一以濟貧民爲官長者豈欲以空穀徵捧而

只緣穀摠太多耗剩漸滋莫可以精實穀準捧捧之未半歲且垂窮民多逃走於是乎勒徵隣族而只欲畢捧免罪有納無退故純然空穀也初頭所捧實穀皆入色庫之偷弄其外分給全是空穀民或投棄空手歸家其可曰濟貧民而助農糧乎此若斥賣則一石租之直不過六七分錢故官與吏爭相貿取仍留庫中及至秋糴以其貿置之空穀屬之已捧至於新捧之實穀以錢代徵專歸私橐邑邑如是年年爲例可勝歎哉況於還糴之際便成一番擾亂民人多繫縣獄斗粟難辨將差遍搜閭里甕儲已罄飢男寒女號哭相續曰還穀哉我甚至於父子兄弟恩情或傷而倫彝數悖鄉里族屬讎冤輒生而風俗乖戾此莫非糴糴之致且其空穀倍於實穀不可爲軍餉不可

增補文獻備考 卷一百六十七
爲農糧此不足有無於國家只爲貪污輩肥己之資則何不爲變通以思懷保之道哉近年以來使本邑作錢移送沿邑穀少處而惟其空穀無以發賣於場市故抄出境內之稍饒者或給百石或給五六十石每石定以一兩二分錢嚴督勒徵當此錢荒之時未由備納或捐牛馬或賣田庄漸致蕩敗以此觀之勿論貧富并受其殃若欲永祛此弊必減多爲少以虛爲實也今宜另擇廉明之人別遣摘奸於穀多邑反閱各倉區別虛實如無實粒則雖投水火固無可惜而若曰國穀不宜全失則以其虛穀三石換作實穀一石及其秋糴一直精捧則此雖四五萬石而軍餉可恃農糧可助貪猾之偷弄可杜也生民之疾苦可祛也如是釐正然後又定其穀摠大邑八萬石中邑

五萬石小邑三萬石至若元會穀則折半分留比營穀加倍而監營穀則自是盡分者也每邑限以一萬石則七十一州之當年耗條爲七萬一千石此甚豐厚也兵統營之穀量宜定限每邑置以四五千石足矣如是定制然後元會耗則待春作錢納于地部以補經費三營穀則歸于該營以爲需用且耗條勿論山沿通同發賣不爲偏留以貽民害則當此昇平之世豈有流離之氓乎云云

續十四年飭諸道舊還以最近年條分捧
備局啓諸道舊還都數爲一百五十一萬二千九百八十餘石中限十五萬石叅酌排比期於準捧之意分付各該道臣何如 教曰只以最近年條分捧一有混徵他年條者當該守令隨現重勘

續十五年命海西鎮還虛簿蕩滌

命金烏山城守城米依前糶糶於山倉只以平倉所在條取耗上納命沁都米五百六十石屬之水原府

備邊司啓水原自遷邑以後事面之重與他有別聞有沁都米移轉留置者每年糶糶以其耗條作錢以送實爲水民之弊此固朝家所宜矯革而况水原關防之重未必不及於沁都乎從今爲始沁都米五百六十石屬之水原府允之

續十六年命湖西嶺南濟民倉穀移屬各邑

勇營
續十七年命賑廳關西所在停退條舊還小米二萬七千石移屬於壯

式施行
續命嶺南穀多邑常賑穀耗條中限一千三百石屬於賑廳自今年定

續十九年以整理穀分俵于八道三都

整理所設置節目 整理所區劃錢十萬三千六十一兩內幸行時各項用下爲六萬三千六十一兩華城設屯物力爲一萬兩耽羅賑資爲一萬兩時在爲二萬兩謹奉聖教就其數分排於八道三都使之派分列邑換作穀物以乙卯整理穀稱號京畿二千兩湖西湖南關西各三千二百兩嶺南四千兩華城關東海西關北各一千兩松沁兩都各二百兩自本所定校吏次次把驛下送○各該道臣較量邑治大小均排作穀後邑名石數使之開錄狀聞旬管則備局有司

堂上爲之逐年糶糴并耗會錄每歲末以實數收聞三都亦依此舉行○設施此穀分置三百州縣出於廣敷慈恩咸被民庶以至億萬斯年藏之無盡傳之悠久之聖意則其所重不可比論於儲置餉還等穀物歛散之際或售吏奸歲儉之時混置停減則該守令比還穀虧欠律加等論勘不飭之道臣亦爲論罪其中虛實自備局發遣郎廳這這摘奸俾無一分踈虞之弊○整理穀所重何如則逐年糶糴耗上生耗穀與歲增慮或生弊限七年準四萬石永作原穀後每年所殖耗條則華城留守旣兼整理使以此劃給俾作行宮整理之用○整理穀不可與各衙門穀相混一倉之內別峙一庫揭標識之給還之時曉諭別分使婦孺之賤咸知升斗之微皆出慈恩而耕穫之

際亦知此穀之異於他穀○水原府頒下錢一千兩作租七百六十九石三斗五升分俵各倉江華府頒下錢二百兩作租二百石開城府頒下錢二百兩作租一百石粟三十石春牟七十石京畿頒下錢二千兩作租二千石分俵各邑平安道頒下錢三千二百兩作春牟七百八十七石稷七百九十一石糖七百五十七石木麥八百六十五石分俵各邑咸鏡道頒下錢一千兩作粟八百三十三石五斗分俵各邑慶尙道頒下錢四千兩作租四千石分俵各邑全羅道頒下錢三千二百兩作租三千二百石分俵各邑忠清道頒下錢三千二百兩作租三千二百石分俵各邑江原道頒下錢一千兩作太一百五十石粟一百五十石租一百五十石稷三百九十石木麥一百六

十石分俵各邑黃海道頒下錢一千兩作租七百八十石粟二百二十石分俵各邑

續禁諸道錢還

御史鄭晚錫啓湖西民瘼若甚於錢還蓋歲末難捧以錢代收而有原詳定下詳定之例翌春分給不過若干零錢故實無種量之需已為窮蔀之弊而奸吏輩又從以舞弄以其所逋添入其中歇價立本浚膏潤屋若其貪宰墨倖與之同販民實不覺受害忒甚為道臣者視若尋常甚可駭也令道臣道內錢還嚴加禁斷宜矣 教以嶺南沿邑此弊為小民切骨之瘼湖西又有是弊云者豈成說乎他道之皆然亦皆類推雖由於難捧而代捧其為錢還則一也捧與分之準

捧減分不問可知既聞之後不可以事在既往尋常看過此後更有現發并與道伯難免重勘令廟堂別關嚴飭道伯

續二十一年命自今諸道還穀當年停退者翌年仍為停退則自明年始屬舊還著為式

續右議政李秉模啓掌令朴道翔上疏其五今之還餉非古之糶糶糶之法春則出穀於民而納民錢布秋則出錢於民而納民米穀歲歉則出穀年豐則出錢以此以彼皆利於民此所謂常平之法而民皆賴之還餉之法春而白給秋而白徵耗上加耗既無益於民而督捧之時若值荒歲則十室九空還餉糶糶名近實殊今此還餉之為糶糶不過轉移間事擇明於穀簿之數三守令齊會營門講究變通事也守經之

論夫孰不以常平爲歸而不得斷然行之者誠以古今或異其宜奸僞日以益滋也前後 聖教每以盡分爲還弊之源半留爲揀弊之要雖使策士極言而竭論蘇掾之道恐不出於半分留二字而左右給代酬應多端退與僚相及諸宰爛商劃一之法追後稟裁常平一欸請姑置之從之

○二十二年報恩縣監尹悌東上疏略曰還耗取用非古也一自用耗之後各衙門之穀簿甚多而名色某繁盡分半分之條目此穀彼穀之去來不勝其紛紜四等勘簿之際某倉之加下者劃以他倉此倉之虛留者充以他穀朝錄而暮移春來而秋去準折作米則虛實相蒙邑例代捧則穀石相換文簿之眩亂奸猾之幻弄皆從此出公穀耗縮民財

暗奪思之及此寧不駭歎至若分留之法特爲水旱之備而近來留庫至爲尠少每當調賑之時輒致匱竭之歎東西移轉官民凋弊此無他衙門之名旣多故惟事分給之利而不念留置之道無論京外轉相慕倣巡營而有巡營之穀兵水營而有兵水營之穀鎮堡州郡亦多有之其所徵捧之嚴急百倍於公穀剝割生民之膏血雖以清州一邑言之兵營所置賑恤廳云者卽不過營屬輩凋賑之資則其所設置不甚大事而年年添補今至屢千餘石而抄出數面使之專當則一戶所受殆至六七石而營屬之操切與他自別穀品之精實又異他穀故毒痛偏及於殘民逃散相續於他境近因備局及巡營行會雖有移屬於各邑者而元數則乃至於四千七百石排巡之許多爲弊之猶痼不言可知

而本牧又有所謂補隸庫此非舊例即去庚子年所剋出者而以米租三百餘石謂之庫還盡令取耗補用於官隸輩路需之資當初本意雖出於官民兩便之道臣未知庫還一出之後本州下隸更無橫侵於百姓之弊乎橫斂則無異於前日而剋出無前之庫還俾開斂民之蹊徑分捧之際精龜互換徵督之時囚繫相仍石數之添分色落之加捧勢所必至而民益受病吏益交橫其所禁斷在所不已凡此弊端皆非朝家之所知而若究弊源專由於各衙門穀名之未罷而然也今若以許多穀簿皆付一倉而分留收捧一依義倉規例發賣價本亦從詳定定式而勿論此道彼道會外穀名之如清州營色者一併釐正則實爲八路生民之萬幸牙山貢津倉亦爲七邑之大弊蓋七邑之境旣非沿海

又非深峽則田稅穀物不得不都聚於貢津倉而民人輩所居遠則爲數百里近不下百里擔負輸來艱辛勞苦較甚於他邑之民近年以來無前之弊滋甚呼冤之說載路皆以爲領運差員專任於牙山故七邑之民殆不能聊生云浦所旣在於該縣則穀物之捧上漕船之領運勢當以該縣監主管而不爲輪回積年主張則下輩之威喝無異上司穀簿之舞弊作利竇防納再徵之弊無所不至此猶餘事先以龜米移充於稅納之穀復以高價勒徵於列邑之民所謂稅米則雖極精實併爲點退怨譴朋興蕩敗相繼噫彼殘民何以支保乎忠州可興倉則例以合邑守令輪定領納故主管不專於該邑而捧上自至平均今此貢津倉亦依此例恐合事宜并令廟堂講究便否從長稟處斷不可已

續純祖二十一年命京司句管湖南盡分穀自今折半分留著爲恒式備局啓全羅監司李書九上疏批旨有令廟堂稟處之命矣其疏本以爲儲蓄之空虛莫如近日而言糴弊者不患其少尙患其多民漸受苦吏益恣奸本道所在京司句管盡分穀之全耗會錄者十九萬餘石自今折半分留著爲恒式則京司不過歲失若干之息而在本道備豫之策利益不少爲辭矣糴糴之設卽所以爲民備豫故恒以儲蓄爲務一自取耗需用漸非制法本意而尙賴分留之限甚嚴平時不至病民緩急得有所恃挽近以來穀簿漸縮公用浸廣盡分之名色猥多應有之實數無幾若不幸而遇凶歉則非但取辦之無路停蕩之過濫亦由於此今此湖南道臣疏辭實出於守經祛瘼之意

而目下紓民來頭備荒可謂兩得其要穀摠中年例支計之各有主管者姑不得遽議而至於盡分穀之全耗會錄者在京司雖有些少窒礙旣謂之爲民備豫則何可以此計較不思通變之道乎依所請許令自今年折半分留而如是著式之後若或典守不得謹嚴則不幾何而將見庫儲潛消必有甚於還分之容奸此豈非有名無實欲利反害乎其慮後之方束下之政專在於道臣實心措處之意請嚴飭允之

續二十四年命蕩減關西流亡戶還三萬九千餘石從領敦寧金祖淳啓請也

續二十八年文祖代 聽時右議政李存秀達言國有大慶則內而各貢遺在

外而舊還分數蕩減蓋出於廣惠識慶之意也以文獻備考所載觀之英廟朝舊還蕩減殆無歲無之先朝蠲減亦非止一再而舊還云者停退之還其翌年又爲仍停條及遇歉未捧者其翌年以後自朝家又許仍停條通稱曰舊還若當年之停退與當年之未捧則翌年自當爲新還循例出秩初不入於舊還則無論其初之停退與未捧其後之自朝家更許仍停者也未可以最初未捧之有異於因朝令停退見漏於舊還蠲蕩之中矣以故庚申以前則舊還蕩減命下之後停退仍停之舊還與未捧仍停之舊還并入於蠲減之中矣十餘年前有司之臣適未察其未捧條之翌年以後更許仍停遂就舊還中區而別之不置於蠲蕩中遂爲謬例等是舊還而不入於蠲蕩中者實非廣惠之道自今

番舊還之蕩減一遵庚申以前之例施行仍爲定式似好矣從之

續備局達言卽見全羅監司李光文狀達則以爲左右水營及羅州等二十二邑鎮所在均役廳旬管皮牟四萬一千七百五十五石零眞麥九百七十三石零特許待秋作租而夏穀耗條則并與秋穀耗而同時作錢事請令廟堂稟令分付矣多數通變亦難遽議皮牟二萬石特令作租眞麥數爰未滿一千依狀達許施耗條待秋作錢之意請并分付從之

續三十三年命湖南各穀十萬石移作癸巳別置米取耗以爲儲置之需從大護軍朴周壽啓請也

續憲宗六年命各司作還取耗之穀無復移送於海西

增補文獻備考 卷一百六十七
前黃海監司趙斗淳啓本道還各穀合爲四十六萬七千二百七十餘石折米三十二萬七千七百三十石戶摠十二萬六千四百十三戶而其中除公私各項雜項大略量穀較戶則每戶所受當爲四石零列邑記付之多寡不一皮穀折米之贏縮不同若其偏多之邑一戶之還殆爲六七八石此是民生切骨之瘼而各司支放取耗之穀爲其道里之便近每每添作於海西挽近十餘年來新作還米爲五萬六千八百二十餘石矣元摠近五十萬石之穀已不勝其壓疊積欠莫可支吾之歎而今又加以五萬六千石之多生聚日縮斂散歲繁奸僞層生公私俱竭請自今凡係各司作還取耗之穀一切無復移送於海西以爲支持之道從之

續 哲宗十三年命設釐整廳矯揉軍田糴三政之弊

該廳啓糴弊成痼已無可言而虛勘白徵最其大者也民生困苦專由於此則虛錄各穀固當一并蕩滅從實勘簿而蓋此取耗之節卽丙子以後一時權宜之政也雖良法美規人不能舉則病必生焉至於還上不待不能舉而弊已隨之然則虛留還留還今雖蕩滅餘在穀物仍作病民之根柢莫可救藥矣若倣古社倉法簿書管鑰聽民自爲則宜無剝割之弊第還耗旣入經用則事體異於古社倉且以朱子社倉事目觀之其編戶之素有約束功罪相保者甚密矣今鄉約之制粹無以修舉而使閒散之人無鞭扑囚繫之權而主可食之物則其不能守不待時日而可見莫若一並作錢拔本永祛還上名

色而既無還穀之後備豫之資經用之需勢將別般措處則不能無取民之舉矣取民之道惟戶與結而戶則增損難稽貧富無別終無核實之政且生財之方以土地為主捨此莫適故庚午均役之時議論携貳閱歲講究竟以結錢酌定今亦謹援此例就結摠分排收錢給代夫有結者有業一結之產殆千金則千金之家歲出數百文未足爲病行是法而無業殘氓永無催科之患則恤窮之政又莫如蕩還歸結其得失之歸瞭如指掌矣且就八道監兵水營各邑守令之廩况量其豐薄依自備穀例亦令定數收捧○糴弊矯揉無如罷還自今後歛散取耗之節永爲革罷○八道四都餘在實還二百三十六萬一千六百九十八石一并執錢拔本限三年作穀以備一百五

十萬石恒留間二年改色○內帑特下錢五萬兩分排八道四都以補作穀恒留之資俾爲均被惠澤○虛留還二百八十一萬六千九百十六石內三分二條一百八十七萬七千九百四十四石蕩減三分一條九十三萬八千九百七十二石按簿詳查吏奴逋中身死者勿論生存者排限十年除耗執錢上納均應犯逋千石以上者施以一律○各道兵水營及城餉穀就恒留穀中自巡營量宜分峙後修報本司○嶺南漂倭糧自巡營就恒留穀中量宜分峙於東萊附近各邑隨其用下報本司充補○八道四都田畝無論正田續田免稅復戶各樣襍位一從時起實結每結二兩式依結錢例收捧而各道結摠與還摠互有出入收錢給代之際不可無挪移裒益之舉○各

司上納營邑支放卜定物種會減之在前取辦於耗穀者一準其代錢數及給代而馱價雜費亦已磨鍊自巡營量宜分排各邑以爲道內馱價及倉廩修理等需○還穀執錢依詳定價分三年取耗收捧而海西詳定價三兩外五錢雖是流例當此釐正之時不可仍襲依他道例以三兩執錢五錢永爲減革若有并耗高價之弊則該色刑配守令重勘○作穀之規今年爲始令各其邑分排買取而另擇精實母或如前者還穀之匱劣大米一石價五兩小米一石價四兩黃豆一石價二兩五錢正租一石價二兩四錢爲率○關西田稅及收米每年收租實數中管餉支放條一萬五千石本色劃給而餘數添錄恒留穀關北田稅每年依收租實數以本色移用於一年應下中

給代錢準此數計除上納均廳○各道自備及月課穀依前收合添錄恒留穀○今此作穀既異於在前之還穀則不必逐邑列置藏穀處所及數及各自監營量其易於懋遷便於轉輸處排定而名之曰恒留倉本穀不令歛散只是間二年改色則其所典守尤當十分審察十石以上虧欠邑守令罷拿監色還徵後嚴刑定配○恒留穀用舊畜新母過三年而用舊之節以京畿三南儲置米關東海西詳定米相換取其餘每年春間從時直發賣待秋準數買入使恒留無欠○畿外七道監營依大同儲置例以結錢中分數別置若有別下而在前還穀會減者報本司以此取用歲末計其不足之數就上納錢中區劃以充恒留各道給代餘錢一依均役事目京畿二月晦內

兩湖海西三月晦內嶺南關東關西四月晦內關北五月晦內上納均應馱費亦依給錢例施行○各道耗給代用下及上納錢依結錢外給代例每年歲初邑名雜費區劃成冊與結錢收租同爲修報于均廳○統營地非產穀軍食專資轉輸每年應下耗條特依恒留穀價每石五兩式結錢中給代而湖南山郡湖西各邑雖無本色輸送之例一體施行○均廳以後該廳仍爲給代衙門故自 英廟乙亥以後各項給代皆令該廳舉行矣今亦依結錢例屬之均廳而名之曰備局別置錢會計冊子另成兩件一置該廳一納本司錢財則別貯一庫固其局鑄謹其出入○罷還歸結係是大變通也舉行條例不可不昭詳開錄永作不刊之典更令諸道還摠及用下秩秩區別

報來後依大同事目例頒下施行

釐正廳節目 京畿時起田畝四萬六千三百五十三結每結二兩式九萬二千七百六兩內一年應下耗一萬七千石每石三兩式五萬一千兩色落條一萬七千兩馱價雜費八百兩合六萬八千八百兩餘二萬三千九百六兩還摠十六萬四千五百四十一石虛留十五萬九千九百四十一石內三分二條十一萬六千六百二十八石全數蕩減三分一條五萬三千三百十三石中吏奴通身死者勿徵生存者排限十年除耗執錢上納均廳千石以上犯通者啓聞後施以一律實留四千六百石每石三兩式一萬三千八百兩分三年收捧內下錢三千兩合一萬六千八百兩內恒留大米四萬五千石每

石五兩式二十二萬五千兩正租三萬石每石三兩四錢式七萬二千兩合二十九萬七千兩分三年作穀不足二十八萬二百兩○湖西時起田畝十萬五千八百五十四結每結二兩式二十一萬一千七百八兩一年應下耗二萬三千石每石三兩式六萬九千兩統營耗六百七十九石每石五兩式三千三百九十五兩色落條二萬三千六百七十九兩馱價八千兩別置二萬兩合十二萬四千七十四兩餘八萬七千四百三十四兩還摠六十萬七千五百二十八石虛留五十八萬四千一百七十八石內三分二條三十八萬九千四百五十二石全數蕩減三分一條十九萬四千七百石中吏奴逋同上實留二萬三千三百五十石每石三兩式七萬五十兩分三年收捧

內下錢五千兩合七萬五千五十兩內恒留大米七萬五千石每石五兩式三十七萬五千兩正租六萬石每石三兩四錢式十四萬四千兩合五十一萬九千兩分三年作穀不足四十四萬三千九百五十兩○湖南時起田畝二十一萬七千九百九十三結每結二兩式四十三萬五千九百八十六兩內一年應下耗五萬七十石每石三兩式十七萬一千兩統營耗四千一百四十三石每石五兩式二萬七百十五兩色落條六萬一千一百四十三兩馱費一萬七千兩別置三萬兩合二十九萬九千八百五十八兩餘十三萬六千一百二十八兩還摠七十八萬九千五百六十一石虛留四十二萬九千三百八石內三分二條二十八萬六千二百五石全數蕩減三分一條

十四萬三千一百三石中吏奴逋上同實留三十六萬二百五十三石每石三兩式一百八萬七千七百五十九兩分三年收捧內下錢七千兩合一百八萬七千七百五十九兩內恒留大米十六萬五千石每石五兩式八十二萬五千兩正租九萬石每石二兩四錢式二十一萬六千兩合一百四萬一千兩分三年作穀餘四萬六千七百五十九兩○嶺南時起田畝二十一萬五千五百五十六結每結二兩式四十三萬一千一百十二兩內一年應下耗九萬九千石每石三兩式二十九萬七千兩統營耗一萬一千石每石五兩式五萬五千兩色落條十一萬兩馱費一萬四千兩別置三萬兩合五十萬六千兩不足七萬四千九百九十八兩還摠一百七十萬五千九百六十九

石虛留六十八萬三千八百九十四石內三分二條四十五萬五千九百三十石全數蕩減三分一條二十二萬七千九百六十四石中吏奴逋同上實留四十九萬二千七十五石每石三兩式一百四十七萬六千二百二十五兩分三年收捧內下錢七千兩合一百四十八萬三千二百二十五兩內恒留大米十九萬五千石每石五兩式九十七萬五千兩正租十二萬石每石二兩四錢式二十八萬八千兩合一百二十六萬三千兩分三年作穀餘二十二萬二百二十五兩○海西時起田畝八萬三千七百六十一結每結二兩式十六萬七千五百二十二兩內一年應下耗三萬七千石每石三兩式十一萬一千兩色落條三萬七千兩馱費四千兩別置二萬兩合十七萬

二千兩不足四千四百七十八兩還摠四十三萬二千一百八十三石虛留四萬一千五百三十七石內三分二條二萬七千六百九十一石全數蕩減三分一條一萬三千八百四十六石中吏奴逋同上實留三十九萬六百四十六石每石三兩式一百十七萬一千九百三十八兩分三年收捧內下錢五千兩合一百十七萬六千九百三十八兩內恒留大米四萬五千石每石五兩式二十二萬五千兩小米十萬五千石每石四兩式四十二萬兩合六十四萬五千兩分三年作穀餘五十三萬一千九百三十八兩○關西時起田畝十萬七百三十三結每結二兩式二十萬一千四百六十六兩內一年應下耗八萬二千四百石每石三兩式二十四萬七千二百兩色落條八

萬二千四百兩駄費四千兩別置三萬兩合三十六萬三千六百兩不足十六萬二千一百三十四兩還摠八十二萬三千六百六十二石虛留六十一萬二百四十二石內三分二條四十萬六千八百二十八石全數蕩減三分一條二十萬二千四百十四石中吏奴逋上同實留二十一萬三千四百二十石每石三兩式六十四萬二百六十兩分三年收捧內下錢七千兩合六十四萬七千二百六十兩內恒留小米三十三萬石每石四兩式一百三十二萬兩分三年作穀不足六十七萬二千七百四十兩○關東時起田畝一萬九千三百二十八結每結二兩式三萬八千六百五十六兩內一年應下耗一萬二千石每石三兩式三萬六千兩色落條一萬二千兩駄費六百



兩別置一萬兩合五萬八千六百兩不足二萬一百四十四兩還摠
 二十三萬三千七百四十石虛留十一萬七千六百三十七石內三
 分二條七萬八千四百二十五石全數蕩減三分一條三萬九千二
 百十二石中吏奴逋上同實留十一萬六千一百三石每石三兩式
 三十四萬八千三百九兩分三年收捧內下錢三千兩合三十五萬
 一千三百九兩內恒留大米一萬五千石每石五兩式七萬五千兩
 小米三萬石每石四兩式十六萬兩合十九萬五千兩分三年作穀
 餘十五萬六千三百九兩○關北時起田畝九萬五千五百十五結
 每結二兩式十九萬一千三十兩內一年應下南耗二萬石每石三
 兩式六萬兩北耗一萬六千石每石二兩式三萬二千兩色落條二

萬七百兩馱費八千兩別置二萬兩合十五萬七百兩餘四萬三百
 三十兩還摠六十三萬八千七百二十四石虛留十二萬四百四十
 二石內三分二條八萬二百九十四石全數蕩減三分一條四萬一
 百四十七石中吏奴逋同上實留南關二十三萬一百三十一石每
 石三兩式六十九萬三百九十三兩分三年收捧北關二十八萬八
 千一百五十二石每石二兩式五十七萬六千三百四兩分三年收
 捧內下錢五千兩合一百二十七萬一千六百九十七兩內恒留小
 米十三萬五千石每石四兩式五十四萬兩分三年作穀餘七十三
 萬一千六百九十七兩○水原時起田畝六千一百八十四結每結
 二兩式一萬二千三百六十八兩內一年應下耗四百二十石每石



增補文獻備考 卷一百六十七
三兩式一千二百六十兩色落條一千三百兩雜費二百兩合二千七百六十兩餘九千六百八兩實留還一萬四千四百二十八石每石三兩式四萬三千二百八十四兩分三年收捧內下錢二千兩合四萬五千二百八十四兩內恒留大米一萬五千石每石五兩式七萬五千兩分三年作穀不足二萬九千七百十六兩○廣州時起田畝三千九百二十五結每結二兩式七千八百五十兩內一年應下耗一千七百石每石三兩式五千一百兩色落條一千七百兩雜費二百兩合七千兩餘八百五十兩還摠十萬一千六百九十一石虛留六萬五千七百二十八石內三分二條四萬三千八百二十五石全數蕩減三分一條二萬一千九百十三石中吏奴逋同上實留三

萬五千九百五十三石每石三兩式九萬七千八百五十九兩分三年收捧內下錢二千兩合十萬九千八百五十九兩內恒留大米一萬五千石每石五兩式七萬五千兩分三年作穀餘三萬四千八百五十九兩○開城時起田畝五千八百四十四結每結二兩式一萬一千六百八十八兩內一年應下耗一千八百石每石三兩式五千四百兩色落條一千八百兩雜費二百兩合七千四百兩餘四千二百八十八兩實留還四萬八千十八石每石三兩式十四萬四千五百十四兩分三年收捧內下錢二千兩合十四萬六千五百十四兩內恒留大米一萬五千石每石五兩式七萬五千兩分三年作穀餘七萬一千五十四兩○江華時起田畝三千二百七結每結二兩式六千

增補文獻備考 卷一百六十七
四百十四兩內一年應下耗一千二百石每石三兩式三千三百兩
色落條一千一百兩雜費二百兩合四千六百兩餘一千八百十四
兩還摠一萬五千七百四十三石虛留四千石內三分二條二千六
百六十七石全數蕩減三分一條一千三百三十三石中吏奴通同
上實留一萬一千七百四十三石每石三兩式三萬五千二百二十
九兩分三年收捧內下錢二千兩合三萬七千二百二十九兩內恒
留大米一萬五千石每石五兩式七萬五千兩分三年作穀不足三
萬七千七百七十一兩○已上時起田畝九十萬四千二百五十三
結每結二兩式一百八十萬八千五百六兩內一年應下耗三十五
萬二千四百二十石每石三兩式一百五萬七千二百六十兩北關

耗一萬六千石每石二兩式三萬二千兩統營耗一萬五千八百二
十二石每石五兩式七萬九千一百兩色落條三十七萬九千八百
二十二兩駄價雜費五萬七千二百兩別置十六萬兩合一百七十
六萬五千三百九十二兩餘四萬三千七百十四兩四道四都餘三
十萬四千三百五十八兩不足二十六萬一千六百四十四兩還摠
五百四萬五千七百八十八石虛留二百八十一萬六千九百十六
石三分二條一百八十七萬七千九百四十四石全數蕩減三分一
條九十三萬八千九百七十二石中吏奴通死者勿徵生者限十年
上納均廳千石以上啓聞施以一律實留二百二十二萬八千八百
七十二石價六百三十九萬八千四百六十四兩分三年收捧內下

增補文獻備考 卷一百六十四
錢五萬兩合六百四十萬八千四百六十四兩內恒留大米六十一萬石每石五兩式三百萬兩小米六十萬石每石四兩式二百四十萬兩正租三十萬石每石二兩四錢式七十二萬兩合六百十二萬兩分三年作穀餘二十八萬八千四百六十四兩分三年上納均廳五道兩都餘一百七十九萬二千八百四十一兩三道兩都不足一百四十六萬四千三百七十七兩摠計結餘錢四萬三千七百十四兩第一年上納均廳自第二年每年二十萬二千七百十四兩上納均廳還餘錢十四萬二千八百二十一兩三錢三分第一年上納均廳自第二年至第三年每年九萬三千八百二十一兩三錢式上納均廳

續命三政復行舊規 三政一歲則以爲清源對河之患姑式論也 備邊司啓以三政釐正事伏承隨事講究之教矣與諸大臣相議則皆以復行舊規爲便今當以還結兩政依舊規舉行之意請行會於八道四都從之

續十四年命蠲湖南鹿島木浦珍島牧場笠巖山城虛留還矯揀虛簿耗殖之弊

續命開城府充餉通錢一萬一千十七兩減還債通錢五千五百兩常賑戶曹穀所通米一千餘石并全數蕩減從留守金輔鉉啓也

續今 上元年命蕩減忠清道虛留還穀十九萬餘石
續大典會通 還通未捧守令以十分爲率一分未捧杖六十每一分

增補文獻備考 卷一百六十四
加一等止杖一百徒三年始逋者徒三年定配又五年禁錮經冬不勘
簿守令施全未捧律○營吏舞弄會案者毋論多少梟首監簿之營裨
刑配道臣奪告身有逋未發覺守令三分一徵捧流逋未發覺守令四
分一徵捧各施竄配禁錮逋吏千石以上梟示公貨犯用守令卽其地
定配所犯公貨一一徵捧後啓聞放送

續三年命下帑金三十萬兩分送各道作穀取耗
京畿四萬兩慶尙道七萬兩全羅道六萬兩忠清道五萬兩黃海道
六萬兩江原道二萬兩關西則城餉旣爲十萬石關北則原有實留
還摠故不入於此

續十月命江華府還穀三分一蕩減以該府酷被洋匪之患故左議政

金炳學啓請從之

續四年命頒下社倉節目于各道列邑時還餉爲弊矯揉無策戶曹判
書金炳國請行朱子社倉之法事下廟堂廟堂倣崇安舊規參互我東
時宜講定節目

社倉以土窖設於各面大洞中人戶最多處還分之規自該面視各
洞大小貧富以爲差等無論班常叅量洞分俾無偏多偏少之患如
有流亡指徵無處者自該洞均排充納半留半分逐年改色而捧還
時每石以各其姓名書牌作標新捧與留穀各自分儲及其分還時
以留穀隨牌出給○耗條每石以一斗五升許定代錢納于本官自
巡營都聚具陳省上送戶曹○秋糴當以大米備納而米貴處以租

粟太間準折捧上納勿以單代許捧

續十月命新鑄當百錢一百五十萬兩分送三南及海西使之作穀當年則除耗排捧

慶尙道六十萬兩全羅道四十八萬兩忠清道三十萬兩黃海道十二萬兩

續七年三軍府啓沁都以畿沿要衝之地宜有海防備禦之需而迺者雲峴宮別下穀鎮撫營二千四百三十石零永宗八百七十六石零喬桐五百石此則軫念軍民之曠典殊渥也既有穀則不可無糶糶既糶糶則亦不可無穀名以別備爲稱自本府句管每年半留半分除耗改色請爲定式從之

續九年命北兵營餉還添糶分糶於列邑

領議政洪淳穆因北兵使金基錫狀啓請以所管餉穀停蕩居多餘皆盡分庫無儲留踈虞莫甚今有大院君措劃錢八千六百兩又自本營辦備以充萬兩之數以土式作還折米爲五千石而以若鏡城一邑民情難便今姑分排於關北各邑取耗作錢而待一二年民情稍紓取其本穀限折半式分兩年詳定作錢仍爲作還於鏡城每年半分半留無耗改色用舊蓄新著爲定式從之

北糶永停

二十年因西北經畧使魚允中狀請命關

續十一年命慶尙道丙寅丁卯別備社還中五萬石作錢

續十四年命富寧慶源慶興流絕還及富寧會寧虛留穀并蕩減以關

北十州荐經大歉結縮戶減按撫使金有淵啓請從之

○十九年 教曰予聞近日之弊政其端不一如田賦之無名加歛還上之稱以移貿最是切骨難支之瘼爲先一并革罷且年成不均穀物翔貴窮鄙生涯方秋猶艱倉糴催科尤所不忍其令各道還穀并爲停退以示予若保之意

○二十四年因南兵使李容珏議有關北舊還穀并作錢以納之命于時德源府使李重夏以勘界使回還上疏陳六鎮民窮之狀舊還穀年久虛簿今若作錢以納邊民必不能保請并施蠲蕩政府亦請依疏辭施行所蠲蕩爲十餘萬石

○三十一年命備荒之穀亟應籌辦令民設立社倉儲蓄米租定期出納最爲良制由政府另定條例頒給各州縣以便遵行

○命各道還穀中移貿加作等名目自今爲始永行革罷

○九月政府啓嶺南道內各樣還穀爲七十二萬餘石宜其分儲列邑如法歛散而稱以移貿營邑奸細無難幻弄今爲十一邑驛積逋無以爲兵荒之備令道臣另查見在實摠作爲社還使民如法糶糴前後營邑之挪用者吏逋者一一查覈徵捧虛摠并令蕩減

○三十一年三月命八道還穀以社還更稱
度支衙門奏八道所在還穀名目以社還更稱地方官勿爲干涉令民糶糴除耗而請自臣衙門定其條例行會各道允之

○臣謹按是時還弊轉痼有此度支變通條例而旋因國家多事

增補文獻備考 卷一百六十七

各邑社還或施或否故現存實摠不得詳載

增補文獻備考卷之一百六十七

增補文獻備考卷之一百六十八

弘文館 纂輯 校正

市糴考 六

諸倉

補三國志高句麗俗無大倉庫家家有小倉名之為桴京

補高麗初置黑倉

補成宗五年置義倉

補安鼎福曰歲豐則增價以糴歲歉則減價以糴使穀賤不傷農
貴不傷民名曰常平倉漢耿壽昌之制也百戶為一社各出粟麥
輸之當社委社長檢校以備凶年名曰義倉隋長孫晟之制也常

平權在于上而無甚貴甚賤之時義倉利在于下而無移民移粟之勞苟得其人而兩行其法則不惟為救荒之術緩急亦有賴矣成宗置義倉後又實常平倉可謂得矣而義倉不實於百戶之社而惟置於州郡常平不置於各州郡而惟置於兩京十二牧則不知其可也

補十二年置常平倉于兩京十二牧

補文宗十二年雲興倉災制曰官失其守以積年之所蓄棄一夜之橫災可不痛哉此後凡倉廩府庫別置火員吏御史臺以時點檢檢闕日直者先禁後聞

補忠宣王戊戌受禪後置有備倉以應倉卒之需以護軍裝庭芝幹其

事又設烟戶米法蓋歲豐則量戶大小出穀有差藏之州廩以救來歲之荒

補恭愍王七年以倭寇徙沿海倉廩於內地

貢津倉 本朝 中宗癸未命設貢津倉於牙山以儲軍餉

穀簿見上

補沔川犯斤乃浦有倉納公洪州所領郡縣稅米漕至于京成化十四年春以水淺舟膠移于牙山貢稅串

補仁祖庚午李敬輿為清州牧使前此州民輸稅於可輿未載皆露積江岸歲常耗竊敬輿始置倉納穀募土人守之以時出載不失一斛宿弊乃除諸邑皆倣以為式

補孝宗六年設金谷倉於舊江陰縣地收貯長山北諸邑稅米俾轉輸

京倉或江都以海西稅船到長山串屢致覆敗也

柳馨遠曰倉積多時雖有換舊蓄新之規不免抑配民間者大概以穀不耐久也古者國有九年之蓄又曰粟支十年我國州縣倉儲率不經久不過數年皆為不可食之物雖緣地氣下濕亦是倉舍制度踈脫不堅緻而然也凡作倉舍宜擇城中高燥處築土堅密燔造磚甃排布倉底兩重或三重避其蒸濕可也中國倉庫皆如此云

楊津倉 顯宗己酉以忠州還上耗穀作米數千石并儲于可興倉舍矣 肅宗丙寅左議政南九萬奏以諸倉委輸蓄積以備不時之需誠為合當而但念倉舍及典守之人皆難猝辦為先分付各道監司量其

形勢啓聞形止以為舉行之地於是建倉于忠州楊津溟所之東庚午

移建于邑內以儲軍餉

穀簿見上

顯宗十年命設倉於安興鎮

羅里舖倉 肅宗庚子自賑恤廳設羅里舖於公州燕岐接界臨江處

多置船隻貿販聚穀矣 景宗壬寅為其接濟耽羅移設於臨陂始置

別將 濟州失稔則本舖穀物入送島內而其代以涼臺魚菴等物計數捧來發賣買穀次次移轉 英祖戊午因左議

政宋寅明筵奏永罷別將屬之群山僉使至己巳因本道監司韓翼馨狀啓自賑廳覆奏移屬臨陂定為都會官仍令專意勾管而以耽羅物種之出來者分送湖南湖西之傍近二十邑發賣作錢未及十年物價之未收邑邑皆然以致巨萬財力終歸無實故戊寅更成節目報賑廳

勾管

浦項倉 英祖壬子慶尙監司趙顯命狀曰本道東沿一帶無一儲積之所凡有水旱民不沾涸迎日縣浦項地別設一倉多積穀物平時糶糴本道凶荒則賑貸於東沿北路凶荒則移轉於南關萬一有用之事則雖北關絕遠之地一帆之風可以運饋所辦穀物合為三萬石典守之事歛散之法節目開錄于後請令廟堂一一准施自備局覆啓施行設浦項倉於迎日置別將以管之

穀簿見上○丙戌屬嶺南左濟民倉

交濟倉 英祖丁巳命設交濟元山倉於咸鏡道德源先是內帑奴多在六鎮歲收米人一斛易布而貢至 肅廟朝始罷易布儲置其邑以爲救荒需仍命備局主之每年糶糴已至萬餘斛至是議者以爲六鎮

非積糧之地且 先朝之使備局主之者爲民計也則亦不可專一州無寧移置元山隨其南北之歉而轉運爲得也 上是其言命監司徐

宗玉經紀其事歛散以時賑貸如宜南運北輸無往不惠推而及於他

道之民壬戌因監賑御史洪啓禧狀請又設雲田交濟倉於咸興者外

交濟倉於利城

穀簿見上

蒜山倉 英祖甲子領議政金在魯奏以金海鳴旨島事年來講確尙

未有定法矣若自朝家設置倉舍辦鹽儲穀則左可以補浦項之不足右可以接濟兩湖之凶荒其爲緊要可埒浦項倉矣賑恤堂上及新嶺伯皆以爲不可不設倉使之詳量形便成送節目往復廟堂以爲稟旨

舉行之地於是命設蒜山倉於金海

本倉米一千五百石每年十一月分貸於島中鹽民後米一石折鹽

二石當年內換作米三千石年年糶糴其數漸夥則留庫限二萬石餘數作銀移上架山南倉

庚辰因領議政金尙魯

所奏革罷蒜山別將屬之地方官矣癸未 上曰蒜山倉事終近於與民爭利予意則欲令道臣勾管諸臣各陳所懷備局堂上李彝章曰蒜山事鳴旨一島全是鹽田鹽民專仰倉穀以煮鹽若微倉穀則適足爲兼并富豪漁利之資必有倍徙勒徵之弊自官給還穀捧之以鹽此所以爲民也實非與民爭利也今若罷之則其利歸於富豪矣設倉以後別無貽害於鹽民之端且蒜山倉處在左道初程歲捧一千五百石白米儲之邊海此亦爲來頭濟民之道臣意則決不可罷矣至於付之巡營與地方官便否則臣意恐不如依前自巡營照管巡營亦豈無不察之失而其病民也泛而不甚切地方官之貽弊則其病民之酷毒甚於

巡營矣 上曰蒜山倉事付諸邊將付諸守令各有其弊此無他利之所在也鄒聖不言利堂堂千乘之國府使之上自有道臣雖爲民何可替管近牟利之事乎邊將而爲守令守令而復爲邊將法何以信乎今後則令監營專管操切而勿送營裨俾無鹽漢無限受困之弊作米入倉之際山城會錄之時令道臣廉問若有不法者隨現狀聞其所指揮專付道臣而入倉之數本倉遺在轉報備局依軍作米儲置米例或遣備郎摘奸若是之後備局不過照檢數爰遺在道臣專管守令舉行之能否次序之條理鹽漢之弊否則廟堂不過持大體守令之謹不謹事之實不實專在於道臣按一道用一守令以一金海令不能行威不能制委一道之意焉在若是申飭之後有犯禁守令而不覺慢忽守令而

增補文獻備考 卷一百六十八

不飭之事當該道臣自備局草記重繩

穀簿見上

三南濟民倉 英祖癸未左議政洪鳳漢奏以北道交濟倉其意甚美其利甚博夫以三南壤土之沃穀物之盛屢豐餘一番告歉乃反藉賴於地瘠農艱之北方其為南中之羞大矣此專由民懶於輸糶官恬於散穀暴殄天物不為儲蓄之致如欲救得此弊莫如諸道更置交濟倉也今年累十萬顛連之民得免捐瘠者實荷我 聖上愛恤之德而臨急區劃猶恐後時以致貽勞於丙枕今若依倣此規有所設施前頭諸道中或值凶荒使之不勞而交濟則惠澤之廣被遠覃當如何哉 上納之命設濟民倉於三南嶺南則泗川設倉所儲穀六萬石所屬邑泗川九面晉州二十三面固城三面昆陽六面每年三分一分給以為三

年一改色之規湖南則左倉設順天右倉設羅州所儲穀各三萬石左倉屬邑順天光陽樂安求禮同福谷城寶城興陽長興右倉屬邑羅州南平靈巖務安光州咸平分糶之法與嶺南同湖西則設倉庇仁所儲穀三萬石所屬邑庇仁四面舒川五面韓山一面藍浦一面鴻山一面分糶之法與兩南同

穀簿見上

續正祖九年長津設邑後設倉于長坡從備局啓也

續十五年命水原府附近邑外倉移建於本府

增補文獻備考卷之一百六十八

增補文獻備考卷之一百六十九

弘文館 纂輯 校正

市糶考^七

賑恤^一

新羅南解王十五年京城旱蝗民饑發倉廩救之

補儒理王五年十一月巡國內命有司存問鰥寡孤獨賑給之

詳見禮考

補脫解王十九年大旱饑發倉賑給

補婆娑王二十七年正月王幸押督州賑貧民三月乃還

補二十九年大水民饑發使十道開倉賑之

逸聖王十二年春夏旱南地最甚民饑移其粟賑給之

奈解王三十一年春不雨至秋七月乃雨民饑發倉廩賑給之

補味鄒王三年王幸黃州問高年及貧不能自存者賑恤之

補基臨王三年王幸比列忽親問高年及貧窮者賜穀有差

訖解王四年旱蝗民饑發使救恤之

補奈勿王二年發使撫問鰥寡孤獨賜穀人三斛

十七年年荒民饑多流亡發使開倉廩賑之

炤智王二年京都旱民饑出倉穀賑給之

五年幸一善界存問遘災百姓賜穀有差

補十年王幸一善郡存問鰥寡孤獨賜穀有差

智證王七年春夏旱民饑發倉賑之

補眞平王三年七月以霜雹王巡撫賑饑

十一年西道大水漂没人戶三萬三百六十死者二百餘人王發使賑恤之

補善德主元年遣使撫問國內鰥寡孤獨不能自存者賑恤之

補文武王八年滅高勾麗赦國內百姓貧寒糶人米穀待有年償之窮歎尤甚者子母俱免

九年三郡民饑發倉賑恤之

聖德王四年國東州郡饑人多流亡發使賑恤之

五年國內饑發倉廩賑之給粟人一日三升賜百姓五穀種子有差

補六年民多饑死給租賑之

補十四年存問鰥寡孤獨老疾賜穀有差

補景德王六年冬饑疫遣使十道安撫

補十四年七月存問鰥寡孤獨老疾賜穀有差

補元聖王二年九月王都民饑出粟三萬三千二百四十石以賑給之

十月又出粟三萬三千石以給之

十二年京都饑疫王發倉廩賑之

憲德王九年人多饑死教州郡發倉穀存恤之

憲安王三年穀貴民饑王遣使賑救教修完堤防勸農

原本在憲德王上今釐改

補景文王七年冬饑發使撫問

補十三年春饑疫遣使賑救

高句麗閔中王二年國東大水民饑發倉賑給之

慕本王二年殞霜雨雪發使賑恤國內饑民

太祖王五十六年赤地民饑王發使賑恤之

補六十六年間鰥寡孤獨及貧不能自存者給衣食

故國川王十六年王畋于質陽路見坐而哭者問何以哭為對曰臣貧

窮常以傭力養母今歲不登無所傭作不能得升斗之穀是以哭耳王

曰嗟乎孤為民父母使民至於此極孤之罪也給衣食以撫存之仍命

內外所司博問鰥寡孤獨老病貧乏不能自存者救恤之補始立賑貸

法

補史氏曰昔齊桓公出遊見老而饑寒者賜之衣食老人曰願賜

一國之饑寒者公曰寡人之廩庾安足以周一國之饑寒是有仁心而不知爲政也故必使人人而賜之日亦不足而惠之及民者反不周矣今麗王道見窮民因念一國之饑寒立賑貸之法其知所謂恤民之政者乎

西川王四年民饑發倉賑之

烽上王九年年饑民相食王發國內男女年十五已上修理宮室民乏於食困於役因之以流亡倉助利諫曰天灾荐至年穀不登黎民失所壯者流離四方老幼轉乎溝壑此誠畏天憂民恐懼修省之時也大王曾是不思驅饑餓之人困木石之役甚乖爲民父母之意而况鄰有强梗之敵若乘吾弊以來其如社稷生民何願大王熟計之

補故國原王二年二月如卒本祀始祖廟巡問老病賑給之

補故國壤王五年八月旱饑人相食發倉賑給

安臧王五年旱饑發倉賑救之

補安原王六年夏大旱發使賑饑七年三月民大饑王親自巡行賑救之

補百濟多婁王十一年十月王巡東西部貧不能自存者給穀人二石

古爾王十五年民饑發倉賑恤又復一年租調

補比流王九年發使巡問百姓疾苦鰥寡孤獨不能自存者賜穀人三

石

補近仇首王八年自春不雨至六月民饑有鬻子者王出穀贖之

東城王二十一年大旱民饑相食盜賊多起臣寮請發倉賑救王不聽漢山人亡入高句麗者二千

補武寧王六年大疫自三月不雨至五月民饑發倉

補高麗成宗十年王幸西都所經州郡民戶有疾疫失農業者免其租賦篤疾廢疾者給藥男女年八十以上者命有司特加賑恤

補十三年命有司少孤無養育者限十歲官給糧

補穆宗九年二月命有司其有絕食無穀種者開倉賑恤

顯宗三年教曰去年西京水旱爲災穀價騰踊民用困乏朕夙興夜寐念之惻然其令所司發倉賑之

七年三司奏江南饑饉請轉關內倉穀賑之從之

八年賑京城貧民

九年以興化鎮比因兵荒民多寒餓給綿布鹽醬

靖宗二年修東大悲院以處饑寒疾病之無所歸者給衣食

五年制東南海諸道州縣去歲禾穀不稔民多饑饉其令有司發義倉

賑之又制東北路諸州去年大水漂沒禾稼百姓貧乏其令本路勸農

使發倉米鹽賑之

六年靈光郡及臨陂縣饑發義倉賑之又詔曰去歲以來水旱作沴生

民被災苗稼空於農疇貲財盡於私室此寡人不德之所致深有痛焉

其發倉廩以賑之

文宗元年制去年久旱邊民饑餓其發義倉賑之

三年制曰去歲霖雨損禾民食不周遣使賑恤務要全活又命有司集疾病饑餓者於東西大悲院救恤

四年中書省奏曰關內西道州縣前歲不登民有饑色請發義倉以賑從之

五年制去歲不稔黎民阻饑以御史雜端金化崇爲西京關內西道宣撫使兵馬判官金繼叅爲北界宣撫使發倉賑之

六年以關西安北兩道饑遣御史中丞金化崇發倉賑之又制曰東北路諸州鎮戍邊之卒連年旱暵饑饉相仍可令兵馬監倉使及首領官分道賑恤仍賑衣服又以京城饑命有司集饑民三萬餘人賜米粟鹽豉以賑之移龍門倉粟八千石于鹽白二州以給農民

八年制文湧登三州鎮溟縣長平鎮往年被水災其發義倉賑之又移春交東等州倉粟給種食又制諸道州郡民多饑歉流移失業令諸州通判以上官吏巡行存問發義倉賑之

十五年西海按察使奏黃鳳二州去年大水漂沒田疇居民饑乏請發義倉賑之從之有司奏去年大水損禾都人阻饑請發倉賑之從之十八年制曰去歲水潦暴溢損害秋稼言念黎元宜急救恤其令太僕卿閔昌素自今年至五月於開國寺南設食以施窮民又制自五月十五日至七月十五日於臨津普通院設粥水蔬菜以施行旅

二十一年制關內涇西道往歲禾稼不登人民饑乏發安瀾倉賑之二十二年制去歲京北郡縣秋稼不登民多饑乏遣國子司業李成美

發倉賑之

二十五年發立德宮米五百石設食於西普通院施窮民

宣宗三年以清全二州水潦損穀遣禮部員外郎庾哲發倉賑之

十年制東路州鎮去年禾稼不登民多阻饑言念黎元豈忘救恤宜遣

刑部員外郎井潤民發義倉米鹽賑之

十一年以東路高和文湧定長登交等八州宣德元興寧仁長平永興

龍津等六鎮因往年水旱民多饑餓遣東路監倉使員外郎金義璿朔

方道監倉使閣門祗候蘇忠監察御史林衍等宣撫賑濟

肅宗六年詔民貧不能自存者令濟危鋪限麥熟賑恤又於臨津縣普

通院施食行旅三月

七年命有司設食賜饑民限自三月至立秋

睿宗元年命東西濟危都監賑貧病

四年以西京驛路百姓饑饉發倉賑之制曰京內人民罹于疫疾宜實

救濟都監療之且收瘞屍骨勿令暴露分遣近臣賑東北西南二道饑

民分遣近臣賑興化雲中西海南京廣州忠清州等諸道饑民

仁宗五年詔濟危鋪大悲院厚蓄積以救疾病

六年詔以定州饑發倉賑之

七年以西京民勞於創闢發倉賑之

九年制葺東西大悲院濟危鋪以救民疾以鹽州旱曠移龍門倉粟賑

之發大倉粟賑貧民

增補文獻備考 卷一百六十九
毅宗三年以尙州慶州饑遣使賑之

補六年饗饑饉疾疫人於開國寺

補十四年十月御普賢院賜丐者人布一匹綿二兩御院樓觀賜行旅飯羹二日

十六年發倉廩賑貧窮失所者

明宗十八年制曰近聞東北面兵馬使所奏關東諸城多遭水災禾穀損傷人民漂溺僅存遺氓並被饑饉朕甚憫焉宜遵京內東西大悲院例設食濟活人多少以爲褒貶又令移粟於朔方諸城仍遣使發倉賑民
二十三年分遣使于慶尙全羅楊廣道發倉賑饑發倉賑京城饑民

宗十二年制曰去年東方大水損傷禾穀民多失業流亡相繼其令東北面兵馬使諸道按察使開倉賑貸
十三年制曰全羅道饑甚有蓄儲州郡宜發倉賑給其無蓄儲州郡各於私處取其贏餘賑給待豐年償之自甲申年後三稅常徭雜貢并皆停減以待豐年收納

十七年崔瑀以年饑請發大倉賑之

四十二年簽書樞密院事崔坪奏今春大饑民多死亡請發倉賑恤從之發新興倉賜甲寅歲守京城坊里百姓

四十三年發新興倉賑守城軍卒及合入州縣吏民

四十五年救急都監以年饑發崔垣倉穀賜太子府二千斛諸王宰樞

各六十斛宰樞致仕及顯官三品以上各三十斛三品致仕及文武四品各二十斛五六品各十斛九品以上七斛又賜兩班寡婦及城中居民軍士僧徒諸役人有差

四十六年城中饑人相食移昇天府給糧與田又發倉賑宰樞寡婦前啣六品以下官及諸衛軍坊里人金剛城防護別監王仲宣率合入州縣民五百餘口到昇天城出米三十斛賑之

補元宗十五年以民饑告糶于元元主命運東京米二萬石以賑之

補忠烈王五年全羅道都指揮使洪子藩馳奏本道饑民多闔門餓死元使哈伯那亦涕泣語臣云邦本至此何可忍視請發兵糧庫賑貸從之

六年發兵糧二萬石賑全羅道饑民又遣將軍金允富如元告糶中書省借兵糧二萬石賑慶尙全羅道至秋償之

十三年賑東界饑民全羅道饑發倉賑之

十七年元遣海道萬戶黃興張侑千戶殷實唐世雄以船四十七艘載江南米十萬石來賑饑世子嘗奏比年國人征戍轉餉失其農業以致饑饉故有是賜於是頒米于七品以下七品七石八品六石九品五石權務隊正四石坊里大戶三石中戶二石小戶一石帝意本在貧乏今不先貧民富者所得居多

十八年下教以忠清道因賊失農賜去年錄轉徭貢全羅道亦除錄轉一千石以賑之元詔江南漕運萬戶徐興祥等二人運米十萬石來賑

增補文獻備考 卷一百六十九
饑民遭風漂失惟來輸四千二百石王分于諸領府及五部戶各一石

補世子設醬街市施餓者三日

補二十四年忠宣王以帝命嗣位以歲亡民饑減膳命內厨進橡實而嘗之

忠宣王三年傳旨東西大悲院本爲醫理疾病而設令開城府同本院錄事受有備倉米以養疾病

忠肅王五年下教諸道窮民如訴無食按察摠場官發倉賑給令待秋償本

十二年下教惠民局濟危舖東西大悲院本爲濟人今皆廢圮宜復修營醫疾病

忠穆王四年遣使賑西海楊廣二道饑宣賑濟都監王減膳以充其費發有備倉米五百石令賑濟都監施粥餓人又發全羅道倉米萬二千石以賑饑宰樞議請太史府庫米三十石黃豆五十石義成德泉倉米一百石內府常滿庫布一百匹給賑濟色京城大饑疫道殣相望漕運全羅道米一千四百石以六百石分賑忠清西海二道以八百石減價換布五部貧民

恭愍王三年以年饑發有備倉粟減價以布民宣賑濟色于演福寺發有備倉米五百石糜粥以濟饑民

七年賑東北面又賑交州江陵道

補九年京城饑大布一匹直米五升王發廩二千石令民納大布一匹

受米一斗

十年設賑濟場于普濟院龍州饑人相食發倉賑之

十一年發龍門倉穀一萬石賑貸京畿飢民

二十年下教東西大悲院先王本爲惠民而設近年以來主者不爲用心致使貧病流離之人無所仰給予甚憫焉都評議使司司憲府常加體察取勘元屬田民以贍醫藥粥飯之資

二十二年全羅慶尙道饑遣使賑之

高麗食貨志賑恤條有恩免灾免之制恩免即蠲逋欠減租調之類灾免如水旱蟲霜及疾疫失業者免蠲租賦之類

李詹知通州事立常平倉寶以備凶歉有常平寶記

辛禡二年以李淑林爲西北面完護使往歲征北軍馬久留騷擾民多

饑乏故遣淑林賣布千五百匹以賑之

七年遣使賑慶尙全羅道饑

八年賑慶尙全羅江陵道饑

本朝太祖七年慶尙道觀察使請賑飢民左政丞趙浚曰饑饉之民諸道皆然如皆發廩賑之臣恐國無餘蓄上曰慶尙有粟何不賑之

定宗元年湖西饑命以本道軍資賑之

太宗十一年上聞西北豐海等道大旱責知申事金汝知曰爾胡不言歟昔王安石以爲天變不足畏爾欲效之歟今聞其民飢乏宜速遣官賑之

增補文獻備考 卷一百六十九

十五年有丐者言飢於

忠寧大君

世宗潛邸時爵號

者忠寧以聞

上曰中

外飢民已令有司賑濟毋致飢餓何不謹奉行如是耶忠寧但見予矜恤飢寒有所見聞輒必來告故予得知之雖然已有主者而垂死之民見王子然後獲食非可繼之道也遂命治主者罪

十六年京畿饑命發倉賑之又命戶曹參議李明德巡察踰月明德拜同副代言 上曰汝爲近臣而旣爲賑濟使不可代以他人爾宜盡心永吉道饑都巡問使曹洽請發倉賑貸 上曰賑濟救民之急也啓聞待命緩不及事自今臨時賑恤後京畿耆老數十人詣宮門自陳近年水旱農失其業實賴 聖上發倉賑救得免饑饉稽顙而謝淚隨言出上慰遣之

時關東嘗大饑觀察使黃喜盡心調濟民無捐瘠嶺東民於三陟設賑之地立碑築臺名之曰召公臺

世宗元年教曰民惟邦本食爲民天比因水旱風雹之災連年凶歉至於有恒產者亦未免飢餓故爰命戶曹發倉賑濟守令之不恤民隱者間亦有焉已令有司治罪嗟乎生民之衆餓殍之狀非予寡躬所能周知監司守令近民之官當體予至懷夙夜匪懈賑窮調乏勿使飢餓予將遣朝官審其能否如有一民餓死者當抵罪不宥

補上聞武陵島民男婦共十七人行到平丘驛飢頓遣人救之仍下旨曰聞武陵島民今到平丘驛絕糧而人無救恤者近京之地尙且如此况遐方乎因念人民必有飢饉其令戶曹移文各道嚴加檢察俾民

免於飢困

四年 上謂侍臣曰比年以來連歲凶歉救荒之政不可緩也欲移粟以救之然農事方興民亦飢甚則無力以轉輸每日啓事以荒政爲首二十四年諭平安道觀察使鄭某曰近聞邊郡之民迫於餓饑不能聊生而卿不以聞是何意歟甚非予委卿之意也自聞此言夙夜軫慮卿其盡心賑賑如有窮餓失業者官給衣糧曲加撫恤

二十七年京畿大歉監司許詡請無關於戶曹得以便宜發倉 上許之於是發義倉又移全羅忠清之穀民賴以力農秋果大熟

補金淑滋爲守令時每當荒歲列邑怕於那移之律義倉告罄則坐視餓殍而不救淑滋曰昔韓詔活溝壑之民欲含笑入地汲黯矯制

發倉而無辭於罪苟存心於民何懼於法盡發軍需以賑給之民感其惠秋熟不煩鞭扑悉償之又揀勤厚人持饘粥俟於道路見癘疾者輒施之以故闔境全活民無捐瘠而亦無荒田矣

補端宗壬申司憲府啓曰今年之歉甚於丙辰請分遣朝臣于諸道隨其便宜發倉賑之來秋還歛以充義倉 上從之

補二年京畿關東及三南饑命賜軍資倉陳穀二十三萬斛以賑之

補世祖元年命典醫監惠民局濟生院造賣救急之藥俾民不夭札

補三年三道賑恤使韓明澮啓言近因凶歉所貸義倉之穀太半未收每當春節無以賑民軍需亦減而民間積年所貸其數甚多並收其息必不能償者常平之法李惺行之於魏耿壽昌行之於漢皆有成效民

地補文獻備考 卷一百六十九
蒙其利今依常平倉例當春夏穀貴之時增價以買布秋冬穀賤之時減價以換米則官無督徵義倉歲增利國便民實爲長策請令諸道觀察使姑試一二邑從之

四年下三道饑命兵曹判書韓明澮爲三道救荒巡察使民賴以安

補睿宗元年命移安州寧遠穀二萬斛賑沿江諸邑民

補成宗元年以歲饑命申叔舟具致寬洪允成等爲賑恤使經理諸道荒政

補二年分遣相禮金永堅于全羅道宗簿正金升慶于慶尙道巡審灾荒訪問疾苦永堅歸奏飢民有浮黃者有棄兒者上下諭賑恤使切責道臣匿不聞之罪狀該守令之不用心賑濟者雖功臣議親并令勿

貸

補五年 教曰疾疫盛行令醫巫賣藥救療庶人賤隸之病者出宣東西活人署治療其物故者隨卽埋瘞

補十五年命蠲八道兩都濟州糶糴之年久未捧者

補中宗二年 教曰近年以來人民困於徭役流離失業多不得耕種特免今年田稅

補六年命中外收育遺棄兒廩給士族寡婦處女之飢窮者以歲饑也

補十二年命戶曹漢城府抄啓凍飢人依大典人給襦衣一領米一日一升

補二十年是歲饑命分賑飢民於弘濟普濟兩院婦女令五部計口分

米

補明宗元年命減八道舊逋戶曹以有後弊再啓覆難 上曰民生之困莫此時若予方欲開倉活之何忍督納舊債乎不聽
補三年命設東西賑濟場開常平倉賑饑士族寡婦不能躬自乞食者給米其家從賑恤使閔齊仁之言也

九年賑恤廳啓蓄穀賑饑雖爲荒政之本穀乏民飢則不可坐視其死而不爲之救我 世宗大王著救荒辟穀方救萬世蒼生之命如松葉益人腸胃壽人性命過於五穀斯實救民良方京城之民習尙侈靡尤以粥溢爲羞朝飡美食暮已絕炊今此良方若不嚴飭則復廢不行京則漢城府五部外則觀察使守令鏤板傳錄廣諭民間使人無不解觀

察使敬差官都事遇人講問有不曉者則色吏勸農論罪不曉多者並論留鄉所守令殿最憑考云 祖宗朝飭行救荒之方如此之嚴今亦依此松葉服食之方一邊廣諭一邊鏤板廣布 上從之
十六年命內外官吏修舉荒政至於放租弛禁移粟納穀勸分收棄之類靡不究心病者救之死者瘞之諭大臣曰爲人君者聞百姓飢死不急賑救則安有視民如傷之意乎予今晝夜憂慮罔知攸濟卿等其商議善處之

宣祖三年嶺南大饑遣吏曹正郎辛應時按察賑救之

時有李之菡者世稱異人哀流民弊衣乞食爲作巨室以館之誨之以手業各周其衣食而其中最無能者與之禾藁使作藁鞋董其役

增補文獻備考 卷一百六十一
一日能成十對販之一日之工無不辦米斗推其剩以成其衣數月之間衣食具足

二十六年 上發永柔向京城居民等上疏請留 上手札答之曰今予之行非欲棄爾等而去也但聞京城之民飢餓失所日望予至非予過進不足以救之都民之望予何異於爾等之欲留乎仍饋酒以送時京外飢荒 上下教曰都民聞予近住其望哺之心爲何如哉其發近邑之粟船運京江若不足則卽遣承旨發京倉以賑之 上還京城教曰有司日進白米六升予平日素不食三時雖三升之米寧能盡食今宜除米三升分送于賑濟五場又內出白米若干石令政院作粥以饋飢民庭試及第崔啓沃放榜日戴賜花持紅牌就賑濟場喫粥焉

羅級爲公州牧使歲大侵人相食州倉陳腐巨萬而閉糴不賑飢民相聚爲盜通判請捕級曰盜亦我赤子濟活則自當奠居立視其死而不知發反勦殺耶通判有所希冀捕告陞職而級乃悉集窮民及士之流寓者開倉大賑左右撫循朝夕視舖所全活幾萬人方伯責以擅用國穀級曰穀可得民命不可續且齎盜糧非計也乃辭疾棄歸

權春蘭爲守令每遇饑歲發倉賑救多所全活及秋將收糴悉焚券曰若有公譴吾當任之

光海初大旱歲荒惠廳堂上李廷龜奏曰移粟貸民本以救飢而民未沾實惠徒爲吏胥漁奪之資明年責償病民益甚唯當盡蠲賦役以寬

其力則民雖採食草木亦可自活請以賑恤米穀代充宣惠廳用度盡減畿民今秋來春應納收米從之

仁祖四年以備局句管救荒廳移屬於宣惠廳與常平廳合設專管八

道耗穀及發賣設粥等事名曰賑恤廳

臣謹按職官考作賑恤廳可疑

趙翼論西邊事宜疏曰遼民就食於我國者男女幾至二三十萬皆

望哺於我國臣見李尙吉言毛兵形勢若糧食有繼則可保無變不

繼則生變必矣以情勢度之此語誠然二三十萬人口豈甘於坐而

待死其起而為亂勢所必然且人命至可憐也人死至不可忍也雖

南蠻北狄嘗與我為讎者如或一朝千百人口漂泊我境飢餓將死

則仁人必且救之況中朝數十萬人口飢餓於吾土地其死指日可

待坐視其死至不可忍也待其為變而殺之亦至不可忍也亦何以

有辭於中朝乎可救之道惟移之內地散處列邑今年海西京畿及

三南之地大率豐稔處多雖間有遇災亦不至甚分處其地使之或

為商或賣傭或乞食其尤不得食者或自官救之至於來春使耕陳

地則足以為生矣如是則可以解生變之患可以活數十萬人命可

以舒平安一道之力且其衆既移之則毛將所領者寡接濟亦易矣

補七年濟州饑輸粟二萬八千斛賑之

補下教曰自古仁政必先鰥寡孤獨况死節人孤兒寡妻乎其令該曹

限秋成月致米粟以周其急

補是歲揚州牧使崔有海節縮浮費得米一百石租二百石雜穀一

百石豆五十石依朱子社倉事目設置社倉

補十三年罷常平廳從戶曹判書崔鳴吉之言也

補上以飢民賑救之資不宜他用以本廳物貨買米儲置爲他日賑資書啓其數俾不得擅用

十六年備邊司啓咸鏡道饑荒太甚餓殍相望民之提挈老幼流入兩西及江原道者相續不絕且聞江原道亦患饑饉民頗流離北民之路出江原道者無所就食必且轉向三南菜色之民千里行乞其能得免填壑者幾希矣該曹所送五千之米無異沾水於輿薪而其流入他道者則尤無仰食之處他道之人懲於刷還之令不爲容接則哀我赤子其將相枕死於道路着令該道監司查問各官凡北民之流入境內者

盡心賑救力有不足則守令轉報監司題給某樣米穀以活其性命宜矣 上曰啓辭至可依此施行但子遺之民得聞此舉忍耐者亦皆出來則邊地必至空虛今姑任其乞食

補十七年命諸道恤鰥寡孤獨賑飢餒埋骸骸頒救荒撮要於中外

補十九年命京外男婦年八十以上及篤疾者賜米有差

補俞伯曾疏曰內帑之藏雖盡散何能遍及但人君散其私儲以爲國用則感動民心無過於此御供可減者減之以其所減者賑之則民受實惠各司供物限年停罷如壬辰亂後飢民不賑而自活

補二十二年備局啓曰臣等聞八路染病致死者甚多知會各道某某邑病死之數使之詳查牒報矣自上年春後至今年四月各道各邑所

報死亡都數四萬二百餘名極爲慘酷雖經兵火人民死亡豈至於如是之多乎參考東西活人署自上年至今春所報病死之數僅至一百餘名比於外方甚少此則只是該署所管因病致死者而至於閭閻間死亡則雖不在此限大槩朝家賑救之惠藥物救療之力有所賴而然也以此觀之則外方之不謹救療以致多數死亡之狀極爲痛駭着令諸道監司考其各邑人民多少之數查出死亡最多之邑其時守令啓聞罷黜以爲日後惕念之地何如答曰允

二十五年春大旱秋大水命出戶曹米五萬石以代民之貢賦設賑恤廳爲糜粥以食饑民又爲之發倉移粟使內外菜色之民均蒙惠澤

○移全南道牟麥一千斛賑畿內飢

○刑曹判書趙綱疏曰累十戶間井存者董五六家亦且朝夕逃徙問之則曰無隣族之役則寧死吾土何必顛仆於他鄉之溝壑乎臣以是知賑恤荒政徒虛文耳不若減民之一役也

京居前郡守金嶸等一百三十三人呈書于備邊司曰今年饑饉前古所無而在京士夫身在都下異於鄉人之有田結故不得受移轉之米名齒衣冠又不能持瓢受粥願得京倉米依畿甸例給糶廟堂啓請各給一石待秋除耗收捧

孝宗即位初以兩西畿甸站役偏重命發倉粟分賑三路站上之飢者
○校理趙復陽疏曰統營及沿海列邑之穀及今秋運來爲賑恤徭役之備其一應賦役及軍保之布各司奴婢之貢并皆蠲免而其代

則除出南來米穀及戶兵兩曹封不動而支用則實可爲拯濟之實矣有司若以經費爲言則此有不然者所謂封不動正爲此等之需此而不用將安用之此民今年得免轉死則封不動尙可更辦今若愛惜府藏而不救民死則後日封不動從何出乎

補北道饑移嶺東米二千石賑之

補備局啓曰向者自上軫念窮民而有賑救之命此文王先四之意也凡在瞻聆莫不欽歎而該官奉行不勤豪奴悍僕美衣服者居什之六七顛連貧乏得參者甚少匍匐扶携怨號載路至於士夫家列錄闔家奴婢載米數駄而歸云令之不行人之無狀乃至於此極可寒心如不痛懲此習前頭分賑之舉舉歸虛套矣五部之中亦有

能否之別大相懸殊云請令漢城府尤甚不職部官摘發重治其冒錄奴婢圖取米駄者亦令查出依律科斷以杜後弊以懲奸貪宜當微末部官雖十分盡心號令不行勢難着實簽報此後如有賑救之事着令各其洞內上有司明查成籍末端着署送于部官之意並爲分付施行從之

補二年松都饑移江都米一千石賑之

補西路大疫多死亡遣官設厲祭分送藥物以管餉米九萬二千餘石賑之

三年湖南告飢每朔新產之膳限秋成停進減供上紙及白綿紙後聞本道又病癘廢農下諭方伯俾盡賑活之方且令族隣耘厥荒疇湖

西嶺南失稔尤甚之邑全免其稅北道兩西分等賜租

補四年江都饑給春賦米一千石賑之

補六年命以綿布五千疋分送六鎮及三水甲山換穀賑飢

補九年兩湖沿邑饑減其田租移全南穀十萬石賑之

補贊善宋浚吉筵奏曰今聖上為民賑恤非惡其聲也非要譽也若有始無終一有不誠則彼至愚者便謂吾君賑我只為惡我之怨聲要譽於我而然矣上遽曰贊善言極是仍歎曰大抵言語有以感動則本心自發今予之發此言亦羞惡之心也
十年歲饑移粟蠲賦靡不用極賑恤之際先及惇獨設粥京外以食飢者又遣御史出沒村間察其勤慢兼咨弊瘼又教曰今後則賑救公

事必於即日內回啓及麥而野無餓殍

補時民飢賑粟禮曹判書洪命夏女婿家亦與焉命夏抹去其籍曰吾女家豈至餓死有筵臣白上曰古者食祿家不得與民爭利今日只洪某識此義

補命中外恤鰥寡孤獨移統營穀一萬石賑兩湖饑

補又以濟州饑命減田租之半移錦城米一千石統營租二千石賑之

補顯宗己亥命以關西管餉耗穀賑流民蠲海西五斗稅米以本道公穀代輸京倉待秋收捧以償公穀從禮曹判書洪命夏之言也

元年以歲饑減端川貢銀嶺東西大同米諸道田稅奴婢貢布北民流出者遣御史撫恤安集之

補命以常平廳米鹽周給諸道飢民之流入城中者又命以嶺南沿海
邑穀二千石舟運襄陽等五邑以賑之

補二年命尙方內司貢紬之自關西納者悉以米代充以補賑資

補下綿布一千疋于備局以補賑資減京畿春收米結二斗

補又出太僕喂馬穀千餘石以賑飢民

補又命移咸鏡道米一萬石江原道米一千石租三千石賑嶺南饑又

移江都南漢米賑三南飢民

三年遣賑恤御史于兩南令以便宜從事

補下諭令中外收養遺棄兒從大司諫閔鼎重之言也

補趙復陽行狀曰壬寅以禮曹叅議與俞公棨聯疏請流亡逋欠

並行蕩滌又奏遣御史以救活之策別爲條目以授之流民散入

嶺東北者令所在賑濟道路棄兒收養者皆令子之由是多得全

活京中於宣惠廳訓練院兩所設粥復陽主管訓練院朝夕莅視

親饋之如士族孤寡及老病不能就食者令漢城府計口給糧活

人署病癘者日給其糧又爲藥物以救之遇雨則令郎屬載米與

苦周視分給及停賑又以爲仰哺之類必致餓死各給糧資而遣

之無不攢祝感涕而去蓋自庚子至于壬寅八路大無兩南最甚

畿湖次之飢民至數十萬人重以癘疾大熾死者相續復陽受任

以來夙宵憂瘁忘其寢食惟恐一民之未活移東補西損上益下
飢者哺病者藥死者得以歛埋民雖飢困未嘗怨嗟每當蠲免節

增補文獻備考 卷一百六十九
損之議大臣與度支之臣動以浮費難之復陽於 上前竭誠爭
論有若私事同列頗不悅而 上常多從其言所施設後皆為著
令議者以為使飢民皆知朝廷德意寧填溝壑而終無嘯聚之患
者實復陽與兪棨之力也

七年會寧府使李重新筵啓臣聞北路舉子之言則今年凶荒特甚
艱備糧資僅得來到入京之後得糧無路不得還歸勢將行乞以待明
春始可入去云據此可知其饑饉之狀矣都承旨吳挺緯曰臣亦聞此
言招備局吏問以前例則以為濟州子弟有給糧之規北路之人則曾
前或有覓給留京糧資之時無例給歸糧之事云北路之人似當有變
通之道矣 上曰令備邊司考例為之備局請令該曹覓給回糧從之

領議政鄭太和筵啓曰咸鏡監司閔鼎重狀啓以本道凶荒特甚流
離就食他道之類欲給戶口路引以為他境所到處許接明年刷還之
地似為着實而第北道徙民許接者以刷還被侵實為巨弊且有守令
解由拘碍之事他邑之人必不肯容接為守令者亦必厭苦若以定奪
行會則必有難便之患而如最近北路陽德縣則尤不堪其弊富弼作
家以賑之事雖不可法若於流民所到官設賑濟活之後各於所留之
地考其本土籍外流民則北路流徙之民自當現出臨時籍名以為刷
還之地似為便當矣 上曰北路流民持路引出來者隨其所到官賑
救事分付

以歲凶 下教罪已移嶺南穀於嶺東移海西穀於北關以賑飢民

增補文獻備考 卷一百六十九

補八年 上奉 大妃幸溫陽出常平穀以賑道傍流丐

補關東西流民入京師飢病者數千人令漢城府分置東西活人署給糧救療

補又移京倉大豆一千五百石田米五百石于興元倉賑關東飢民

補出京倉米三百石田米四百石賑畿內飢民又命以江華餉穀五百石賑飢

九年歲饑發江都米一萬石南漢米五千石賑畿內飢民又畿民以病出幕者二千八百餘人給糧米

補命抄士族窮寡絕火之類九十家分四等月給米鹽又以南運米一萬三千斛分糶都民

補命以管餉耗穀大小米一千石皮穀二千石賑兩西飢民以南運米四千斛分賑湖西海西兩路飢

補十一年命量減各殿香醞米運江都米三萬石發賣于京中以戶曹鹽鐵布劃給全羅道充賑資停御營軍上番留其保米于諸道以賑之

補又命以內需司綿布一千疋麻布五百疋補賑資

補命戶曹賑恤廳給凍餒人米穀襦衣有差減各道布貢

補又運湖南穀及統營米租賑濟州飢

十二年大饑 下教當此大侵不可督民收稅並留三南原襄黃海京畿田稅于本道以賑飢民都中分設三賑廳使宰臣領其事諸道量邑居村落之遠近碁置賑所作糜粥以饋飢腫給乾糧以濟農作命賑廳

增補文獻備考 卷一百六十九
減價糶穀以平其踊是夏又大無麥餓孳載道命中外竭府庫以繼賑是秋諸路大熟有不芸而穫者

清州牧使南九萬疏曰今之議者以爲欲活目前之死者則穀物先匱三四月之間必無子遺之民只可忍視其死堅守穀物使死者自死者自生三四月之間始出而賑之則餘存之民或可得生以此論之民窮計屈急急遑遑之狀亦可想矣本州田稅及大同餘米從前上納時陸運船載耗費無限民出其三京輸其一今若捧留本州以充賑給之資則雖不能盡有所濟或可爲一分之助

左承旨李端夏疏曰明年若復設賑都中則只賑都民各邑則各賑本邑之民如有遠道他邑之民來就賑者自其邑遞送隣邑次次賑

饋俾還本土而就本邑之賑遞送之類又報監司以爲憑考死亡之地則民各不離本土族類相依或事農作罷賑之後亦不至於盡歸死亡也五穀之外草木服食之方無如松葉臣聞壬辰亂後癸巳設粥之時以松葉末十分和米末一分作粥而饋之云今年粥資一名率用二合米二合米今若作末可爲五合也五合可饋五人以一人之食分饋五人不亦爲大益乎但各邑或用松葉粥或用全米粥則飢民必有所避就而官吏之欲用松葉粥者必動於飢民一時之毀譽而不能着實行之米盡之後雖欲復用松葉所和之米亦乏則更無奈何矣臣意先自都中先用松葉粥不復饋民以他粥其不肯喫啜者此非飢民也宜一切却之又令外方專用松葉爲粥則用米少

而活民當無限矣

補領議政許積啓曰左承旨李端夏疏中朱子社倉之法初以移粟捧留民社爲倉而或有民間私聚而設倉者此法大爲便利云若着實舉行則所益實多試問於各道守令處爲之似當矣 上曰依爲之

補立收養遺棄兒法 凡人取路傍遺棄兒者呈漢城府受公文任其爲子爲奴

補命關西元會米三萬石會外米八千石待明春船運以爲賑救之用
補遣御史于濟州慰諭三邑人民輸綿布四千疋麥種二千石米二千石以賑之

補右議政宋時烈疏曰宋孝宗嘗謂賑政莫如得實而早爲朱子極稱以爲聖人之言曰者賑政不得其實者何限而緩不及事者又多試以小者言之則設粥之際小邑則其守令親自檢看故濫僞或小而至於大邑之分設於遠外者則其監色虛張飢民之數而準受其米以肥其己而其所設之粥粒米甚稀而又不足則添以新水其食粥而猶死者皆坐此也此則不能得實之害也又監司守令所請之事朝廷例皆稽緩其所可否皆不以時故及得可否則事機已變無所及矣此則不能早爲之害也必須痛懲外方虛僞之弊而外方所請朝廷又疾速應副然後可以有補矣

補時大饑設賑民多增口而冒食掌事者請抄汰安東府使李奎齡曰抄汰之害窮餓者或死冒食之弊官受其欺而已遂并饋之以此

全活者多時有朝令使郡邑各救其民勿受流丐至齡曰顛連者皆國民也何分彼此遂并賑之以此境無道殣

補李東稷為廣州府尹時當大侵舉國飢死府有椿糶十餘萬斛以軍餉朝廷不許糶賑東稷曰苟緩一日當殺千人上府經符吏民皆會倉底直馳到剖鎖糶之所活萬數籌司移書遏之東稷爭之愈力民無捐瘠及秋徵捧民曰微春夏惠恤吾父母妻子皆已溝壑矣莫有後者

補十三年命移平安道管餉穀九千餘石原襄道各穀一千餘石賑北道饑

補給江都穀三千餘石于京畿給穀六千餘石於道內被災邑使之播

種

十五年別設賑恤廳擇宰臣之有才識者管其事賑貸之餘常存儲蓄以助民役又以社倉條目頒示諸道

增補文獻備考卷之一百六十九

弘文館纂輯 校正

增補文獻備考卷之一百七十

弘文館纂輯 校正

市糴考^八

賑恤^二

補肅宗卽位初以常平廳米五百石出給平安道分賑飢民

補元年領議政許積筵白在先朝士大夫妻寡居無依之類有給料

之事今亦依此例抄出限麥秋給料從之

補出京倉黃豆一萬石分給畿邑種子

補二年以賑恤廳穀一千石白給濟州三邑飢民黃海道賑穀中白給

九百三十餘石亦令蠲減

補七年因咸鏡監司尹趾善狀請以南道所在穀物移給北道之民以關西之與南道接界諸邑管餉穀移轉北道以賑南道之民八年上下銀子一千兩紬五十疋于戶曹又下銀子一千兩于賑恤廳俾補賑資又下胡椒一百斗丹木一千斤白礬三百斤虎皮十領補以兩西荐饑命出給管餉耗米平安道二千石黃海道一千石補濟州饑荒牧使慎景尹請得沿海穀萬餘石以濟飢民又言地狹馬多不善喂養請抄出駑駘分賣沿海各邑以補賑資備邊司覆啓請令賑恤廳從長料理急運船穀以濟其急劣馬抄賣雖出於不得已區別難精耗失可慮請勿施從之

九年領敦寧閔維重奏曰卽今米價踊貴都民甚窘而賑恤廳只有大米數百石田米三千石此則決難遍及於都民故爲先抄出尤甚絕火之類欲爲斗斗分給而又必得近萬之穀然後可以一番分糶於都民以救目前之急請以禁衛營保米累千石分給 上允之 補以扶安士人申宗濟不忍飢餓棄妻子鑿冰投水而死 傳曰不覺慘然自本道各別恤典舉行分給穀物於族屬以救涸轍之命守土之官使民飢死難免其責而數遞有弊令道臣拿致營門決杖 補原任大臣李尙眞所啓聞林川有老除軍士李德龍者當辛亥年不但活人之多初以飢民之請賣田畚廉價買之而待秋卽皆還退只推本價其所用心有若士君子之所爲定山士人李淑亦於辛亥年人之欲賣田畚救急者相繼哀乞而終不買取只以穀物每人出

給其所資活不知其幾且聞其居家居鄉俱有稱譽故臣就以相見而許待之其爲人亦非庸流矣此兩人宜有褒獎以示激勸之意備局覆啓李德龍則給加設同知帖李淑以士族老儒耻受賞職令該曹收用矣旋以李德龍是老除軍士許給加設同知至受封贈之典實爲濫越只給同知帖勿許謝恩封贈後因右叅贊趙師錫所啓李德龍依舊例賞加贈封

○吏曹參議朴世采疏曰社倉者所以備荒政而濟飢民蓋所謂糶糴者自官歛散固爲國家之常制往往吏不得人民多無賴惟此法穀受於官制定於鄉掌以士人出納平均雖遇歉歲民無缺食苟能謹以行之久必無弊今當一依朱子成說使士民各得以救災恤隣

免於填壑之患

○十年李端夏論社倉疏略曰隋文帝開皇五年度支尙書長孫平奏言周官諸蓄之法試令諸州百姓及軍人當社共立義倉收穫之日出粟麥貯之卽委社司檢校每年收積當社有饑饉者卽以此穀賑給自是州縣儲峙委積至十六年詔曰北境諸州異於餘處社倉並於當縣安置者必以邊地軍糧不可不儲於州縣故也隋文之致富庶蓋由於用此道此事詳載於文獻通考而朱子又著於綱目並載胡氏史斷曰賑飢莫要乎近其人隋置倉于當社飢民之得食其庶幾乎後世義倉之名固在而置倉于州郡一有凶饑文移往復給散艱阻監臨胥吏相與侵沒而受惠者大抵城郭之近力能自達之

人耳必欲有備無患當以隋氏爲法云唐制凶荒則有社倉賑給不足則徙民就倉諸州又置常平倉常平與社倉爲公私交濟之法社倉一名義倉高宗以後稍假義倉以給他備宋太祖乾德元年詔曰多事之後義倉寢廢歲或少歉失於預備宜令諸州屬縣各置義倉民有欲借倉粟州縣即給以聞義倉不足當發公廩者奏待報厥後義倉或復或罷而皆在縣仁宗慶曆初賈黯又請立民社義倉而不果行至南渡後朱子始建社倉之議蓋於所居崇安縣五夫里請留官府移粟而爲之士大夫鄉居多倣行者或聚私粟或貸官穀或義士捐私藏設之朱子並爲之作記又以爲此成周委積之法而隋唐義廩之遺制也又請於朝以其法頒於諸路皆令貸米設倉取息到

十分然後還納此社倉之源委也我國州縣皆有倉設糶糴此倣隋氏北境及宋朝縣倉之制而社倉則未嘗設置遠村之民咸仰官糶則胡氏所謂給散艱阻胥吏侵沒者在在皆然惟幸昔時富戶殖穀者里里有之民寧樂受富戶什五之私債而尠受官糶矣自數十年來州縣勒封私債奪與飢民如欲還捧則陷於刑禍由是富戶不復殖穀舉一國村閭間私儲蕩然飢民不得已專受公穀受納之際侵沒之費反加於私債刑杖催督又從而刻急民困之甚於昔時者職由於此而官穀當春夏雖有折半留庫之令不得遵守終至傾竭乃已者亦以民間無私儲可以交濟故也朱子以爲山谷小民無蓋藏之積雖樂歲新陳未接出倍稱之息貸食豪右社倉又可以抑僥倖

廣儲蓄所謂僥倖卽倍稱之息也今也既使民間私儲掃地而又不設社倉小民無遠慮秋收之後亦惟不節於朝夕其他濫費之事窮民不計有無而竭力乃已至春夏間則遑遑汲汲舉餓死此雖習俗之弊亦上之人制導有失焉耳富戶專利雖爲僥倖然其當初皆惜費而致之故既富之後亦不自屑用一里有富戶則其里秋收太半人積於富戶之廩中不歸於濫費春夏復受得以連命惟是社倉此爲私中之公又無侵奪之慮貨殖之誚但使官吏着實勸諭則興行不難矣臣於丙午秋鄉居適披朱子記社倉心有所感發遂與同里士民聚私穀而設倉各人所納皆標其名翌年夏各以其穀分給則人人皆喜曰此穀若在吾家到今豈有餘存之理乎其節用救急

之效便可見矣取息至倍後還給本穀於各人以其所息并濟里中今則所息頗優故里中尠受官糶民大便之庚申年臣忝按畿輔到界三日卽出令勸設社倉而未及秋收臣徑遞去故各邑不復遵行此事利益臣請悉數之社倉十二之息視官糶則加一分矣視私債則減三分矣收息適中有滋益而無僥倖此一利也設倉里中收納便近又無吏胥操縱侵沒之弊此二利也里人視社倉如其家藏不甚催督自能一齊還償而最窮之民趁未備納則有司雖奪其種子而藏之亦不怨者以來歲可以無弊還受故也以此逋欠之慮不如官糶此三利也民間既有積貯則尠受官糶始可留庫年久慮其腐傷則以民結散給改色而已官庫儲蓄常存不至枵然此四利也凶

年饑歲公私俱有蓋藏民無死亡之患脫有變亂則軍糧亦足此其
爲利又何可以盡言也臣自辛亥年間疏陳此事廟堂自其時果能
視爲大政出力勸設十數年之間民間儲蓄必已大食其效而甲寅
年始頒事目厥後更無人主管仍歸不成豈非可歎也此事在我國
先正臣李珣近故儒臣尹宣舉各設於所處鄉社致仕官宋時烈亦
設於懷德清州兩處其爲便益不獨臣驗之於鄉邑諸處而已今者
請貸公穀使之遍設於國內者亦本於朱子已行之法而既貸公穀
而設倉則因其設施規模兼可以私聚此乃善誘之方也惟是各邑
倉吏庫子等常以糶糴爲出納侵沒之利而分與各里則頗失其利
故此輩最厭之守令之怠於奉行者又聽吏輩之言既不以誠心曉

諭民間以爲不可行士民識其便者聞有新令雖欲設行官吏先示
弛弛之色沮遏其願何必預慮其或有不善行者而初不爲之勸行
也其能勸獎成就使之久行不罷者亦在朝廷力主官吏善導而已
下廟堂稟處廟堂回啓令賑廳施行仍屬端夏旬管其社倉條目頒
下八路

十一年特下內司米綿布以補賑資

十四年領議政南九萬筵啓因諫院所啓有賑廳穀物分給都民待
秋捧價之命矣曾前自賑廳出給穀物使之追後納價而數三年前出
給之價尙未盡納且本廳以數三使令實難遍徵於京中許多家戶以
各洞下人督令捧納則亦不勝其煩擾臺臣雖軫窮民有此論啓而卽

增補文獻備考 卷一百一十一
今無錢之類秋成必無備償之路若非當初白給之穀當初必減價卽
捧分給可無日後還徵煩擾之弊且官穀旣出則市價卽平勿論有錢
無錢閭里之間自有流行之道至於尤甚飢餓之類自本廳受成册白
給而減價發賣事依前定奪施行從之

補十六年賑恤廳啓曰凶歲賣爵旣載於朱子救荒條則誠是不得已
之舉所賣帖文一依前膽錄爲之則仕路混淆之譏亦所難免追贈一
款旣因吏曹叅議李萬元疏許令防塞而加設實職中僉知同知受帖
之後依正官例謝恩封贈之故同知價至於五十石僉知價至於四十
石之多而除謝恩封贈則其價與通政嘉善無甚異同價米不可以前
定數仍存只取加設實職一款稍加存減別單添入而其他帖文依前

定式施行

補十七年領議政權大運以都下飢困特甚請出戶曹貿置穀萬餘石
從輕發賣從之

二十一年上教曰凶歲救急莫如橡實故曾已留意分付闕內諸處
使之着實拾取所得董二十斗矣意在救民則不必拘於多少故特下
該廳且諸宮中除尤甚板蕩者外內需司米一百石木綿四百疋布子
三百五十疋壽進龍洞兩宮正租各一百五十石又下銀子二千兩內
帑所藏中鹿皮十五張胡椒二十斗丹木三百斤白礬二百斤于該廳
使補賑資又教曰昔我宣祖值癸甲兩年之荒凶出御供米以賑
飢民今亦叅酌除出御供米以補栗島饋飢之資親製文賜祭于關西

地補文獻備考
卷一百一十一
飢死人

二十二年 教曰頃送別監持來飢民所喫之粥合數頗優米粒稠厚矣又令持來則非但合數大不及於前米粒亦甚稀淡若此不已殊非設粥本意東西設粥所各別申飭

二十三年 教曰國家不幸饑饉荐臻人民死亡恰過萬數予實無樂南面靡安玉食也昨者監賑御史之回也觀其書啓聽其面奏令人傷神不覺嗚咽目今賑政雖畢嗣歲之慮想必倍焉昔者文王鑿沼而命葬無主之朽骨文皇散帛而俾收亡卒之遺骸哀此累萬之餓鬼不啻朽骨孔棘之灾荒殆甚金革惻怛之心油然而生合有明勅京外之臣着實掩瘞用副至意

因刑曹判書李世華疏都下流丐入送島中事問議大臣後定奪特以世華差句管堂上別定備局武郎廳一員押領入送于京畿沿海諸島三月初十日爲始聚點於栗島令五部查括領來鱗次載船入送後設粥賑饋○賑恤廳啓請入送時雇工收養空名立案各一百張成出下送填名以給事節目啓下後又以人多帖少壯實雇工帖七十張兒弱收養帖一百四十張加數成出付送領去郎廳填名分給

備局以收養飢民成給四山枯松帖俾令救濟飢民

二十四年備忘記人主作萬人之父母一人之飢猶己之飢一人之寒猶己之寒也矧今餓殍日積於市而莫之救曷堪痛傷連觀京兆之啓五日之內僵屍之填壑者計以四五十數通一月計死者幾許噫雨

露之惠枯葉均沾王者之澤禽獸亦及則惟彼流丐於道路者雖非土着之農民以枯葉禽獸亦及惠澤之義推之則豈忍立視而已耶其令賑廳特加濟恤更飭諸部着實埋胥用示予惻怛之意

補二十六年以諸道饑饉全沒者蕩滌諸色軍布一百六十一同二十九疋各軍門保米九百八石零錢文五千八百四十兩

補二十七年以凶荒黃海道當年條還上身布各邑鎮屯各穀七千七百四十八石諸邑軍布一百六十一同二十九疋各軍門保米九百八石錢文五千八百四十四兩貢紬十疋此則依他例蕩減

補備忘記飢疫身死幼稚獨存者還上及諸般身役積年未收特許蕩滌以示予遇灾矜恤元元之意

補吏曹叅議鄭澔疏曰年前凶荒孔棘之時自朝家許令收養永作奴婢事定式行會矣及其既賑之後爭訟紛紜率皆還本無一從定式施行者然則今雖出令民安得信從乎今此飢民之聚會京師者既難留置接濟又難一一刷還不如申明收養之法急令該廳堂上招集飢民於賑廳分其老壯弱壯者弱者無論男女良賤皆許賑活者永作奴婢事成帖文各給飢民老者亦令賑活者許給堂嘉善帖或影職帖從自願畢賑後成給之意亦成帖文各給飢民使之各持帖文從便往募於遠近富民以爲托身仰哺之地則雖畿湖失稔之處不無如干富民自願收養者况兩南年事稍實之地豈無應募賑活之民哉其飢民之無糧難行者計給四五日糧資使之散往無令

增補文獻備考 卷一百一十一
留滯則不煩號令自可從便就哺於他處且以此意詳定節目急急行會於各道各邑使本官使之憑考飢民所持帖文從自願立案成給無如前日欺誑無實之歸則募賑者必盡心收養而求哺者亦必得有依歸矣

補三十年正月備忘記國家不幸一自乙丙大殺戊己毒癘之後若經兵燹民無蘇息加以三歲懷襄災害非常八路荐饑西北尤甚哀我民斯大命近止如傷之念非不切於九重而奈此積儲之蕩然何中夜焦憂不知所以爲計也然誠之所存無事不成今日君臣上下苟能以誠心着意賑事則亦豈無濟活之策乎內而主賑之臣外而御史暨方伯體予惻怛之意講究荒政孜孜不怠而畢竟捐瘠之有無明示勸懲之

典宜各勉旃

補禮曹判書閔鎮厚筵啓臣曾以就粥飢民收養人罷賑後稟議廟堂成給立案之意仰達矣前後收養者五十七口而以罷賑前計之或過六十餘日或董一兩日論以外方監賑節目則收養過六十日者方可出立案十三歲以下并子孫作奴婢十四歲以上限其身作奴婢而京廳則堂上親自檢案事體與外方有間其數亦不甚多收養四十日以上者十五歲以下并子孫作奴婢十六歲以上限其身作奴婢收養四十日以下者勿論壯弱限其身作奴婢恐爲得宜蓋雖一兩日內收養者必不以朝家罷賑而還爲出送則許作奴婢在所不已而亦不可全無差等故如是區別矣左議政李奮曰以一時收養而作爲奴婢事甚

增補文獻備考 卷一百一十一
重大故滿六十日後成給文書乃是舊式則似難減其日數而卽今海
西嶺南山峽飢民流散京鄉罷賑之後亦無生道其中乃願留其家服
役活命者則勢當從其願似不可但以既往日數爲斷况賑廳堂上目
見而爲之似無虛僞之弊矣吏曹判書李濡曰外方監賑節目以六十
日爲限者蓋爲私自收養積久救活之類而或慮有奸僞之端故也今
此京中賑所飢民則與外方事體自別堂上親審隨其願爲收養者許
令率去一一置簿則皆是就京中將死之民實無假托姦僞之慮而臣
於罷賑之日目見賑民咸祝國恩仍言罷賑後無所於歸至有泣下者
誠可哀矜旣難長留設賑不得不罷遣而畢竟顛仆道路之狀可想矣
臣意則凡有率養者一併成給立案接續其命不必拘於日子多少矣

從之

三十八年賑恤廳啓從前若值都下窘急之時則自賑廳有減價發賣
之規矣卽今旱災如此兩麥將未免全失市直日漸踊貴本廳米請依
前例減價發賣 上允之

三十九年 教曰今年災荒湖西最酷畿甸同然而根本之地亦宜軫
念發帑補賑豈可緩乎今下銀子一千兩下送湖西八百兩下送畿營
用示予如保赤子之意筵臣奏曰內藏已罄則出地部所儲下送湖南
俾示均惠之意 上曰內帑亦不無所餘卽下備忘又出一千兩命下
送湖南

四十年 上聞湖南賑穀裝載船利泊濟州喜甚下御製詩于海昌尉

吳泰周曰千里南溟利涉難風高移粟亦間關報來船泊皆無恙天意分明濟寡鰥又聞濟州貢人來到命招致差備門外問其賑政頭緒島中形勢仍 教曰道臣體我至意使絕海飢氓無一捐瘠而本府請得穀種狀啓纔已啓下亦急爲入送俾無耕播愆時之患

四十二年 上出內帑銀二千兩賑畿內飢民 教曰凡係賑政公事及外方以賑事狀請者隨即覆奏時 上候未寧故 上慮關涉賑政者有淹滯之弊有是教又遣監賑御史于濟州親製文賜祭于濟州餓死人

四十三年溫泉幸行時令賑恤廳堂上再聚流丐於浦邊分給乾糧回變後命道臣定差員繼給失所流丐

四十六年工曹判書閔鎮遠筵啓所謂空名帖亦甚有弊甚者或用於私酬應而虛錄其價本於白給文書誠可寒心矣臣意則年六十歲以上五十歲以下難以自辦糊口而飢餒顛連者守令或除出月廩或請得耗穀或設粥或時時白給以濟其死而其餘年少壯丁則勿論男女或傭役或賣柴採拾可以糊口而其習懶惰不此之爲必圖入於白給中及其罷賑之後則或散而爲盜或填於溝壑如此之類勿爲白給只抄老弱無依者救活至於還上穀物數小之邑則請得移轉均分於農民俾無阻飢廢農之患爲宜領議政金昌集曰有甚不甚不可以一槩論之而若值赤地之慘則勿論壯老舉將盡劉或不可無白給之道而所謂白給本多虛僞之弊至帖價亦有會錄之法而守令輒稱已入

增補文獻備考 卷一百一十一
於飢民之口吻中難於徵捧每請蕩滌事甚無據閔鎮遠之所達誠是矣朝家又以耗穀劃給之資而國有所失民無實惠歸於中間花消以此觀之則白給之路防塞亦宜矣鎮遠曰老弱無依者若無救濟之路則勢將得食耗穀而亦不必多給矣此等事議于廟堂作爲節目預爲知委於外方似好矣右議政李健命曰守令凶歲多聚白給之資則朝家例爲論賞故轉相慕倣而聚穀無他道理或貸得京衙門賑錢以爲立本聚贏之計而或抑買於富戶或給錢而倍徵之故富戶仍此蕩殘同爲飢民誠可矜惻必須先防料理之路然後可也此等事預爲成出節目頒布外方何如從之

補因備局啓辭戊戌冬間京外癘疫全家合歿之類還上身布查覈米

一萬七千三十五石布五十六同三十八疋錢二百七十四兩蕩減

補景宗元年戶曹判書閔鎮遠啓曰來月間出送御史事既已定奪矣伏聞外方物情則每當賑恤之時守令料理聚穀之際境內民戶中稍有糧根者盡爲抄出勒給若干價本使之倍數貿納至於空名帖則雖其不願買者亦皆威脅勒賣故每當經賑之後則雖生計稍實者莫不破家至有流散之境其所歛怨爲何如哉今番御史下去時守令之爲備賑穀侵虐農民者使之各別廉問何如左議政李健命曰御史封書自政院出給出給之時此一段添入好矣從之

補二年濟州饑命移湖西嶺南米七千石賑之停貢馬

補英祖甲辰行召對金弘錫時檢討官論空名帖發賣之弊曰明時募民入

粟稱以義民至有旋閭復戶之舉既不免賣爵則無寧爲義民募粟之
政也 上曰若民自感動募義入粟則可矣而自官募粟勒加義字則
是賣義也賣義之弊甚於賣爵不可爲也李明誼時承啓曰儒臣以明
史義民事陳達此雖出於好古之言而今不可行矣曾於凶年富民私
賑則觀其穀數多少監司狀聞有相當職除授之事故富民爭勸賑救
飢民矣近來則監司雖有狀聞者一無除職之事無以激勸故富民私
賑漸不如前此後則私賑人穀數多者相當職除授事更爲分付何如
上曰下番以賣爵爲非乃引明史義民事爲言此則只見其好處而不
思其流弊也義民亦必有弊不過爲賣義之歸甚於賣爵此則不可爲
也外方之出穀私賑亦不可勒使爲之而若有私自賑救者監司狀聞

則宜有褒賞此後分付該曹使之除職可也

元年 教曰今年三南灾荒特甚 先王朝則以內銀出給賑民者多
蓋以內需司北關奴婢貢作銀收捧矣近來北關之貢銀以布代捧則
雖欲仰體 先朝德意實無容手處而每思南民之荐飢丙枕何安玉
食豈甘近年以來國家連有大故責應浩多各宮朔膳米價雖不能盡
數減除而隨其多寡內需司減三百石於義宮減二百石彰義宮減一
百石則合爲六百石三南各給二百石勿爲上納京廳以乙巳條會減
以補賑資又 教曰邊情事則雖值齋戒之日例爲出納至於賑救之
事其所時急無異邊情此後則凡係賑政公事勿拘齋戒與邊情一體
出納又 教曰空名帖急於賑民未免許之而各衙門料理之事予未

見之矣京外賑民之不得已事外帖文切勿許賣

左議政閔鎮遠啓曰三南賑資以關西綿布分俵矣三南監司以其運去之有弊請以本道應上納留作賑資而以所得關西綿布移納各衙門則各衙門以關西綿布升品稍劣多不許施至於兵曹則以爲本曹綿布或有內入之時內入綿布不可以品劣者進排云當此大歉之歲雖是內用綿布稍劣亦何妨乎請依監司所請許令換用上允之

補二年 教曰予觀 先朝嶺東監賑御史所進飢民圖其匍匐就賑者慘不忍見至於悍吏督促田稅之狀尤慘惻痛駭今之三南飢民何異於斯觀圖念民當寢無寐三南尤甚邑還上身布最久一年條全數

蕩減其次折半大同徵捧之際悍吏各別禁戢不然烹阿之鼎我東獨無乎以此分付廟堂

補五年八月咸鏡監司啓言水災漂沒近千人 上命給嶺南穀一萬石關西錢一萬兩以李宗城爲安集御史往賑宗城曰嶺穀海運遲速難期嶺東穀物先爲取用以嶺南米計數還償便也 上允許

七年 教曰今年三南穡事大歉近古所無荒歲移粟王政所先旣因筵臣陳達雖有區處者過此機其有億斛將何用哉特遣御史李宗白名以三南營賑下送關西戶曹納收稅米以下區處者與道臣卽爲商確及期船運俾無後時之弊其海西則專委新伯使之作速舉行濟安南民右議政趙文命啓勸分一事最爲救荒大政蓋賣爵固非美事而

凶歲則亦有不可已者故朱子於浙賑時遺書宰相王淮力言其不可不爲明儒丘濬亦以爲在常時不可於救荒是要策 孝顯兩廟朝亦有已行之例而近年以來朝家於此事失信頗多故民不樂從國家本不宜失信於民而况值此凶歲尤宜有激勸之舉矣 上曰此事曾有陳達者朱子事予亦知之而近來國家之失信實緣該曹不爲舉行故也 去年北道私賑人中特異者一人別施恩典聳動觀聽此後若有私賑優異者不待畢賑道臣狀聞卽施恩典俾免失信之歸守令或以空名帖勒賣聚穀此則不可不申飭也

補上嘗與諸臣議賑大臣請鑄錢以代經費而儲其穀賑 教曰不然穀不在官則在民與其飢而賑之曷若預散於民使民無飢也百姓足君誰與不足

補十二月遣嶺南勾管堂上朴文秀往察道內賑政勤慢仍 教道臣守令曰道內大小流配者雖有輕重之別逆賊應坐者旣傳其生則任其顛壑亦豈王政所忍哉况爲奴本州者亦邑民也其令着實賑活

補以經理廳錢一萬緡江都米七千石南漢米三千斛劃給畿營以補賑資有司以嗣歲經費爲言 上曰博施濟衆堯舜其猶病諸日見赤子將死而爲明年計不救之非王政也

補又命以關西錢布移給嶺南海西詳定米一萬石移給畿內賑廳米趁歲初發賣諸臣有請減百官祿俸者 上曰微官斗祿乃妻孥所懸望此亦一賑濟也

八年命自賑廳每月二次發賣米穀於都民 教曰自 祖宗朝置活人署於都之東都之西其為民之盛意垂至于今而今則徒其名而無其實況若此之時尤豈不飭勵飢者當付賑廳病者當付活署民有飢斃乃賑廳之責民或病斃即活署之咎雖飭活署徒手豈活分付備局相當藥物分給活人署病雖瘳飢必斃頃者賑廳雖已草記允下更飭賑廳分給米醬又命備邊司稟定三南監賑御史賈去節目下送三南

補時都下瘟疫日熾死亡相續故下此教

補又 下教曰京賑已畢野麥方登流丐之欲還本土者量其遠近酌給糧資以濟路飢念此飢民何忍常供每日減御供米以給賑廳俾補賑資內下醬十甕亦令補賑 每三日御供米三升式除給

補又 下教曰常談云就遠而食歸時復飢粥雖多往來而食不能救飢且其妻孥雖真飢不得均分以食豈不惻傷乎若給乾糧則無此弊矣且自好之士雖絕食必不就粥兩班婦女亦然此不可不慮若欲一邊設粥一邊給乾糧則國用難繼尤有難便之端矣前聞設粥多傷人云若如兵判之言飢荒迫急則他不可顧不可不設粥救急不然則乾糧好矣雖然若聲言給乾糧則民情必動殊非安集之意自賑廳無論士夫常漢抄出鰥寡孤獨及貧殘之尤甚者不必聲言而稍稍給之可也

補以沈聖希為濟州督運監賑御史命湖南大同米二千石儲置米三千石船運賑之

增補文獻備考 卷一百一十
十一月命畿湖兩南三名日甲胃價米分給該道北關貢價除防米二千餘石亦給該道使補明年賑資又 教曰京畿詳定米四千石白給其餘六千石仍作軍餉湖西稅太一萬石依昨年例劃給大同米二千石白給湖南常賑租五千石白給于尤甚邑大同米七千石依昨年例留賑嶺南常賑租七千石白給于尤甚邑大同米七千石亦依前留賑兩南尤甚邑身布身貢減其半糶耗參量劃給嶺東尤甚邑身布身貢亦減半糶耗盡爲許給海西延白兩邑無異於京畿尤甚邑常賑租五百石白給而歉歲安集莫過於不擾民湖西上番軍其令停番賑濟善否專在字收若不勝任者不待殿最其卽罷遞

九年 教曰今之荐饑至此者罔非予涼德之致御供米限秋成減五分之一宣飯米以下則一體裁換小米

補戶曹判書金在魯以歲荒稅縮請百官頒祿軍兵放料以小米分給教曰荐饑至此予何忍獨享大米乎御供亦欲代以小米而有關國體限秋成特減五分一宣飯米以下一切參換諸臣以御供米前旣減省今不可又減爭之不從

十二年右議政宋寅明啓昨年年事稍登今年亦有豐徵而臣於日昨偶見宋臣司馬光文集有曰年凶之後鳩聚賑穀則事未易辦必於豐年令各邑預聚賑穀觀其多寡依設賑時事分等賞罰則可以有效云其言甚好矣今若使各道各邑及此稍稔之時收聚賑穀其中穀數最多之邑論賞而不實之邑亦施責罰則雖值凶年自可無賑資艱乏之

患矣此乃古人美意而正合今日之遵行矣 上允之

補十三年三南六鎮饑命兩湖尤甚邑今年軍米布全減畿甸最甚四邑依兩湖例施行兩湖騎步兵布減半北關備局句管內奴貢米限三千石劃給六鎮以補賑穀又以嶺南儲置米二千石舟運遣御史監賑

補十四年命船運嶺南儲置米二千石于北關以賑飢

補十五年命給糶耗四千一百石于京畿道使補賑資

十七年 教曰顧念北道民事靡甘玉食之中連日寒緊風色益高遙思北民寒若在已瞻彼南道運息漠然今則深冬不遠民事尤緊區劃之事一任道臣循例爲之自費多月其令備局勿憚惟正之供大臣既聽下教卽爲區劃而六鎮備局句管之穀以備不虞亦令備局考數許

給本道以助濟民之意

備邊司啓曰北路賑資勿拘正供善爲區劃有命矣前已畫許者爲皮各穀五萬石矣今又以嶺南大同米二萬石軍作米一萬石稅大豆二萬五千石湖南位大豆五千石磨鍊加劃前後所劃合十一萬石爲先使之鱗次入送兩湖軍布各限一萬疋作米使之上納惠廳而作米軍布之代令北營以所劃得錢布推移上送還報於出布衙門宜矣 上允之

補北道監賑御史賈去節目 一朝家劃給前後嶺南湖南穀至十萬石之多徐觀前頭事勢如不得已則更爲加劃之道亦方料量當以各邑幅員之大小民戶之寡衆平均分劃而本道凶荒設賑時監

增補文獻備考 卷一百一十一
營所請得帖文未能盡賣留儲營中者尙有五百餘張荐凶之餘願買者必少即今生穀之道似莫如通仕路之帖文通政帖七十張嘉善帖三十張勿書納字書以賞加以爲買穀之地如或不足更爲狀請而一帖之價概以實穀百斛爲定勿論本道他道有穀者欲買則許賣而與捕賊捉虎加資無異以此勸諭則有穀者必爭買○一嶺南湖南兩道當運之穀其數至於六萬石之多來年六月前盡爲船運恐有未及之慮卽今本道方造船二十五隻統營水營方造船二十五隻浦項倉有船二十五隻合爲七十五隻每隻少不下三百石可以容載合以計之則一番所運當爲二萬二千五百石而千里遠海再運猶可爲之而三運則必另加用力然後似及賑限畢運自本

道別定勤幹解事將校發遣嶺南團束統營水營浦項倉等船隻與本道船隻各別督領運穀之地

補十七年春京畿黃海江原三道飢民流入都下者一千四百餘人

上聞之以不能安集責諭三道道臣仍命賑廳設粥賑之蠲關東當年騎步兵布

十八年 教曰北民濟活專待南穀穀物轉運專在滄海已割之穀艱民之力臭載洋中非特濟活漠然吁嗟船人亦非吾民思北道之飢民顧南沿之船格中夜無寢虔誠以祈亦爲民之一道分付該曹下送香祝于東南北三道道臣躬自致祭於當道海神以祈利涉

補命蠲八道癘疫死亡人之身布糴穀筵臣言虛實易眩 上曰假使

爲其所欺寧失於民何傷乎時都民多患癘者 上命兩醫司擇其善醫者持藥物救療

補十九年給穀四千斛于京畿監司賑七邑給嶺湖米穀二萬斛于咸鏡監司賑飢民

補二十年濟州饑命以羅里舖穀五千斛舟運賑之

補二十二年春濟州饑遣御史韓億曾監賑

補二十五年北路饑道臣狀請移嶺南穀賑之 上曰數千里風濤萬一臭載則穀不足惜人命豈不可愍北人惟恐不賑民南人惟恐賑民所惡於死一也其以交濟倉穀賑之還穀留庫貸三之一又頒空名帖八百俾納粟募賑

補二十七年北路饑給嶺南米太二萬石及三名日方物物膳價米遣御史李彝章賑之

補二十八年領議政金在魯筵啓自前凶年設賑時民間或有家計稍饒者或有希望恩賞者捐出私穀賑活一面一里多則近千石小或數百石不費國穀而民得以生活故自 列聖朝或特除正職或加資以爲勸後之道頃年又有隨其出穀多少差等施賞之定式八路之人皆恃金石之典矣聞昨年諸道私賑者入於狀聞而賑廳回啓只令本道施賞有何施賞之道乎雖以若干米布施賞其何以償其所出之多乎辛勤私賑終無賞典則非但前日定法爲罔民之歸此後將永無激勸私賑之道矣當此諸道設賑之時不可不亟行示信之政俾有益於濟

地補文獻備考 卷一百一十一
飢之道自該廳只當移送該曹而考定式論賞乃該曹之事也分付賑廳使之卽速覆達移送該曹何如 令曰依爲之左叅贊洪象漢曰大臣旣以私賑施賞事陳達臣亦有可達者矣募民納粟自漢之武功爵始而此乃如今影職非實職也凡論賞之規勿論軍器與賑穀必滿千數然後始許加資矣挽近以來穀數漸減賞路漸廣濫僞過半臣嘗慨然矣雖以守令言之通一道大賑而加資者不過一二人則况納粟私賑者豈可邑邑加資乎守令之謙挹者自備穀嫌不直報歸之他人而西北納粟者官奴婢族屬居多此等情狀不可不下燭矣金在魯曰私賑人不願納粟之加豈是可惡之事乎如欲得納粟之加則不過出米十餘石而得之何必費累百石乎其中亦有兩班或中庶前啣之類多

出私穀以望賞典而強歸之於納粟加資則豈非冤甚乎國家政令當必信無違昨年旣論賞行會而今年猝廢不賞則後孰肯有私賑乎 令曰原任意何如領敦寧趙顯命曰近來此事虛僞誠多故重臣之言如此而其言沓沓矣凶年勸分例多給資朱子以江西提刑當紹興府兩年大賑時民之勸分者爲請郎加而當時廟堂不許故以此至於辭職欲決去就我 孝廟朝有鄭好禮者以大發私穀賑直除主簿臣之待罪嶺南時有黃再清者發粟私賑故臣按例請于朝亦除實職今當明覈其虛實不可一切防之也判府事鄭羽良曰勸分之於救荒爲甚重須開此路而後方可收效朱子亦嘗以此爲上策而行之與時相王淮爭之矣其關係非常領相之言是矣象漢曰宋朝之施賞者亦不過

地乎卽命盡蠲
補設兩賑廳分賑飢民二萬餘口
補三十二年漢城判尹韓翼謦筵啓臣於北路事有區區淺見敢達矣
北路荐饑無歲不以嶺粟往哺南北俱困誠非可繼之道常年如非甚
歉穀物至賤蓋其生穀甚廣而無所泄故也似聞今年年事頗登若能
節以制度如古社倉義倉之爲使稍有識慮者爲其任以理曉諭民必
有樂從者事若就緒必大得力矣 上曰北路事可閱所陳誠是矣領
議政李天輔右議政申晚曰此非朝家指揮之事道臣若留意則可以
設施矣韓翼謦曰臣之所望者但欲得如右 下教耳卽今道臣前後
奉命按節其於本道事備所諳練且本非無心之人今聞聖意如此則

迪功郎之屬耳今則非超資則欲得東班職朱子本意恐不如是也金
在魯曰苟可以活民則何愛於堂上虛資乎國家明有定式必當示信
矣 令曰令賑廳回啓

補二十九年惠廳奏紅腐米積之日久反傷新米請輕其價賣與畿民
以無用爲有用 上曰善若其不可食也豈容欺元元乎予當爲民先
嘗速取紅腐米來仍命減價出賣于都民

補三十一年命蠲北民無依錢數萬緡初咸鏡道道臣以交濟倉錢給
債民間取子錢以爲用民年久未納迫於催督有賣妻鬻子自縊死者
卒無可徵之民故名曰無依錢至是御史徐命膺歸奏其事 上嗚咽
流涕曰漢文帝云何顏入高廟北民若因此不保予何顏履豐壤一步

地乎卽命盡蠲

補設兩賑廳分賑飢民二萬餘口

補三十二年漢城判尹韓翼謦筵啓臣於北路事有區區淺見敢達矣

北路荐饑無歲不以嶺粟往哺南北俱困誠非可繼之道常年如非甚
歉穀物至賤蓋其生穀甚廣而無所泄故也似聞今年年事頗登若能
節以制度如古社倉義倉之爲使稍有識慮者爲其任以理曉諭民必
有樂從者事若就緒必大得力矣 上曰北路事可閱所陳誠是矣領
議政李天輔右議政申晚曰此非朝家指揮之事道臣若留意則可以
設施矣韓翼謦曰臣之所望者但欲得如右 下教耳卽今道臣前後
奉命按節其於本道事備所諳練且本非無心之人今聞聖意如此則

必有藉手而善爲施措者此乃民間私相勸募之事何可自朝家明降指揮也 上曰今此上下酬酢使道臣知之則卽今道臣必善爲之矣

補以年凶發京倉米減價出賣于都民

補三十七年校理嚴璘筵啓嶺北諸邑土瘠民貧俗又不能儲蓄一遇饑饉全恃朝家之賑救以此民之死亡比他道尤甚慶興前府使尹彝復爲慮此弊荆行射屯之法蓋嶺北地廣人稀荒爲草坪者在在皆然各邑自前有男丁成册點考之規又有每朔各社訓長聚民十五以上可引弓者三次會射以射記報官之例故彝復令各訓長每射就草坪可墾處早朝點考訖會射一二巡仍并力起耕及其播種耘耔收穫之時亦如此積其穀於各社以備不虞若值凶年則計射員而均分雖下

戶爲人寄傭者旣叅射會者則皆有當分之穀此不但飢民之有賴朝家賑救之政亦可以小紓其力脫有緩急則又足以備軍餉其爲設法誠甚便好北邑守令或有樂聞其事而欲效者或有嫌於依倣而不肯者若自朝家分付道臣使之頒其法於嶺北十邑則行之稍久必有實效矣 上曰其法誠是令備局分付道臣一體申飭

三十八年 教曰噫三南民事連觀道臣狀聞可謂罔涯又覽湖西湖南分等狀聞嶺南狀聞雖未到推此可知噫深冬不遠設賑尙有月而吁嗟三南之民何以賴活昨觀畿伯分等狀聞去年麥農大歉今年穡事又如此吁嗟畿民何以支撐此時安集之政豈可少忽京畿叅判金時點湖西前都承旨尹東暹湖南同敦寧洪麟漢嶺南前大司憲李彝

增補文獻備考 卷一百一十一
章安集使差下不多日內辭朝下諭民人書當製下自政院安寶以給使之賫去又 教曰今覽湖西安集書啓噫彼飢民若予目睨江都米二千石北道交濟倉穀三萬石特爲許給令道臣商量載運以濟嗷嗷之飢民交濟倉穀湖南四萬石嶺南三萬石一體許給又 教曰北穀輸運湖南事已爲下教而今於湖南宜若拯溺浦項米在南北交濟者湖南最近遺儲米五萬石船運湖南而以北穀所來者充報又命廟堂稟定南北監運事日慶尙道北穀三萬石全羅道北穀五萬石東穀五千石忠清道北穀三萬石嶺南穀一萬五千石先送於湖南其代以湖南所劃北穀五萬石內依此數待其出來還報而北穀若卽來則嶺南穀不必運一石而嶺南沿海之穀無論多寡量宜先運三道監運御史

金鍾正湖南所運北穀五萬石東穀五千石待諸道船到泊嶺境卽以南船鱗次資送於湖南境後嶺南所劃北穀三萬石待其出來監付嶺南兩湖監運御史尹師國湖南所劃北穀五萬石東穀五千石嶺南相換穀督運付之湖南湖西所劃北穀三萬石一體督運移送於湖西境而每穀到湖南境則無論多少隨其來到卽地計數三分二付湖南三分一移送湖西湖西準三萬石數湖南準五萬五千石數咸境北道御史金相翊關以北穀物之當運者一并載船督運於南關咸鏡南道御史李仁培關以南穀物之當運者先爲裝載發送關北穀出來者待其出來亦卽督運於江原界則督運差使員句管因其所載船替運罔夜越送嶺南界各道運穀時勿論兵船漕船私船隨便取用

臣謹按救荒賑饑有國大政自我 列聖朝至于 英祖宵旰

憂勤必先於此雖數郡水旱亦必營賑而濟之街路流丐亦多

臨門而饋之前後惠恤之政有不可勝載故謹紀其大賑如右

賑恤乾糧及設粥式 男壯每口每時米二合五勺○女壯男老女

老每口每時米二合○男女弱每口每時一合五勺

發賣式 大戶米五斗○中戶米四斗○小戶米三斗○獨戶殘戶

米二斗

補命以 世宗朝所輯救荒撮要印頒中外廣諭民間俾各自謀救荒之道

補三十九年以年凶發京倉米減價出賣于都民

補湖南道臣狀啓言飢民四十八萬二千七百餘口死亡爲四百五十餘人

補秋關東饑遣御史慰諭安集又命道臣依鄭俠故事圖飢民以進蠲七邑結錢及軍布米

補四十年湖南羅里舖改節目 一自丙子壬午至五年間沿海移轉之數米爲二萬一千二百餘石皮雜穀爲二萬八千九百二十餘石以此論之湖沿米穀殆盡入於一島接濟之資誠非細慮自本道別劃羅舖米三千石入送本島從市直買取某樣物種出來陸地從便貿遷則一年之內可以數次往來而三千石米可作五千餘石之米三千石則復貿某樣物種以爲輪回貿遷之本二千石不必貿米

當夏而牟賤買牟當秋而租賤買租則一年餘利之買牟買租者可備五千餘石以此爲留儲之穀則二年而可儲一萬餘石四年而可儲二萬餘石若值年荒民飢之時計飢口分俵白給則沿邑無運穀之弊島民有賴活之資依此施行而羅舖穀如不足有難目下多數劃出則以沿海附近邑某樣未準此數別劃舉行待舖米有裕次次準報○一島中物情三千石之可作五千餘石萬萬無慮或值陸地年荒穀價騰踊之時則不可無變通之道若當如此之時則狀聞或論報該廳米一石價以錢三兩定式計給於沿海某邑後受出三千石米入島該邑段待年豐買米充報○一今此別劃米買牟或租者若滿二萬石則以二萬石爲島中買儲之穀若值連歲登熟不行調

賑之政則二萬石外逐歲所買之牟租段會錄留置於沿海各邑以備不虞○一自濟州差送都監官一人色吏一人庫子一名自臨陂差出都監官一人色吏一人庫子一名本州涼藿出來該舖後本州都監官主管而臨陂都監官眼同發賣自臨陂分買米穀時本縣都監官主管而濟州都監官眼同買取以爲交守互制俾有實效

補同年湖南濟民倉節目 再昨年三南凶歉挽近所無累萬生靈之得以賴活者專由於南北之互相移粟則設倉儲穀之舉斷不可已故前後廷臣之建議綸音之勸懇實是經遠慮後之圖本道則左右沿各置一倉名之曰濟民則其制置之意事面之重固非他糶糴之比乃與北關交濟倉無異謹依筵稟舉行事條件列于下以爲永

久遵行之地

補四十四年命羅里舖折米二千石以地土船輸送濟州以濟州歲歉也

補續大典各邑賑穀每年隨力備儲新備數及年終自監營報備局最優者全不舉行者論賞罰私用貸用者守令依公穀濫用律論色吏杖一百定配托以備穀勸分民間者嚴禁○諸道瀕海設倉儲穀遇隣道凶荒則轉輸救濟羅里舖倉在全羅道臨陂以救濟州三邑浦項倉在慶尙道延日以救江原咸鏡二道交濟倉在咸鏡道德源高原咸興三處以救江原慶尙道○遇極凶則別遣御史監賑守令善賑爲一道最者論賞私賑飢民濟活多者出私穀補官賑者隨其多少論賞有差

補四十六年十一月以濟州饑命給羅里舖米五千石賑之

續正祖丙申命東北飢民願歸之類給糧還送

續五年領議政徐命善啓嶺南補賑次空名帖三千張下送湖南則既與嶺南有間請折半下送從之

續七年命內帑錢二千緡貂皮一百張下送嶺南設賑列邑

續北關大饑命關西海西連境處使民受還市商禁條限明秋蠲稅

咸鏡監司李命植啓本道南關諸邑皆與關西峽邑連境臣赴營後與守令相議抄出其傍近處可以就食者令面任領率往受等還於各其隣近則似甚便好海西亦有安邊接境之邑云令廟堂行會兩道請預先知委從之又啓北產諸種皆有闌出之禁至於今年何可

膠守前規乎限明秋市商胡馬以至貂蔘皮物之屬皆使出賣境外俾盡人各資生之道從之又命南北關貢稅蠲減

續八年命士民納粟五十石以上者加資

續漢城判尹金履素啓東西郊病人多是貧民其在不病之時左右謀生僅得糊口及其病出措手沒策間或有病差無食致命者云請分付賑廳給糧從之

續耽羅饑 教以薦新黃果祭享黑牛貢馬外各殿朔膳物膳二名日方物內局進上藥劑京外各衙門各營門進排物種內司及各司各宮房婢身貢特并停減 慈殿宮所獻方物物膳朔膳亦并停減

續十年大饑命京外設賑

京五部飢戶九千六百九十七分賑米四千八百八石京畿飢民十七萬八千九百三十九口分賑穀一萬三千四百四十四石零全羅道飢民一百五十五萬六千四百三十九口分賑穀八萬六千一百七十一石零慶尙道飢民一百八萬八千二百八十七口分賑穀八萬三千五百三十一石零原春道飢民一千六百三口分賑穀九百九十四石零

續十三年咸鏡道大饑遣御史設賑

元賑飢民二十四萬九百九十三口別賑飢民五萬五百九十五口分賑各穀合二萬六千十四石八斗六升零

續十七年九月許貸京司上納錢一萬五千兩于黃海監營以作買穀

補賑之資

續十八年命備局堂上趙鎮寬編成惠政年表記荒政也

續十九年六月 上臨弘化門賜飢民米

續二十年二月特下木綿五百疋錢四千兩胡椒一百斗丹木三千斤于濟州添補賑資

續純祖九年十一月下內帑錢二萬緡胡椒一千斗丹木五千斤分給湖南湖西京畿華城以補賑資

續十年二月命移關西穀四萬五千斛海西穀二萬九千斛于湖西湖南以補賑資備局請以戶惠廳錢代送許之 教曰民食以穀不以錢若無穀物從何貿遷又當窮春瓶罌俱空上納之穀將何備納綿布代

錢不足爲均惠湖南尤甚邑大同米三分一待秋收捧移粟之代錢雖爲西民除弊彼兩湖仰哺之類何以爲食貿穀興販之船使之往來兩湖惟意買賣則亦有所益於南民其飭道臣

續十二年正月命貸下京各司各營錢十萬緡令均役廳貿穀爲關西賑資又以 慈宮妃 綏內下穀三千餘斛特給關西補賑糶

續十二月以三南兩西沁都關東饑命給湖西穀八千斛湖南三萬五千斛嶺南九萬斛關西三萬六千斛海西一萬斛錢一萬五千緡關東七千斛沁都一千二百斛賑之

續十四年畿內三南大無關東關北亦饑命給京畿穀三萬三千斛水原四千二百斛江華二千斛廣州一千八百斛湖南七千斛錢七萬緡

嶺南二十五萬斛錢六萬緡關東七千四百斛關北五千七百斛賑之
又命嶺南湖南三名日方物物膳節膳甲冑停封補賑 下綸音諭諸
道飢民頒內帑銀子五千兩丹木八千斤胡椒五百斗均給諸道

續二十六年命下內帑銀一千兩錢五千兩丹木三千斤白礬一千斤
補畿湖四都賑資

續二十九年

文祖翼皇
帝代聽時

令曰今春三南賑恤時出義納穀者至有三千

石一二千石之多朝家若不用褒賞之典是罔民也一一收用於今番
都政未多石者各自本道監營從願施賞

續三十二年畿內最歉命移關西小米二萬五千石湖南租二萬石皮
牟一萬石嶺南大米一萬五千石賑之

續十月特下綸音于畿湖海三道及四都以內帑買儲頒下補賑京畿
天銀一千兩丹木二千斤白礬五百斤湖西天銀六百兩丹木一千斤
白礬三百斤海西天銀五百兩丹木一千斤白礬三百斤四都天銀四
百兩丹木八百斤白礬二百斤

續哲宗二年關西海西及濟州牧三邑饑命下內帑錢三千緡于關西
二千緡于海西一千緡于濟州俾補賑資

續十一年關東關北饑命下銀子一千兩丹木三千斤白礬五百斤于
兩道以補賑資關東被災邑田稅大同各軍布已未條并蕩減

續今 上十三年大饑命各道設賑

教曰今年亢旱殆近世罕有而竟有肅霜早戒晚稼失收榆之望窮

增補文獻備考 卷一百一十一
部倍懸罄之歎畿輔三南之偏告歉荒不待年分之啓而可以揣知矣凡係救恤賑賑之方自當有道啓之酌量廟議之講究而在予若恫如保之念誠有不可遲延者特下內帑錢京畿湖西嶺南湖南各一萬兩此不足爲一分拯濟之補道臣量宜排補於賑資之用至若尤甚邑朔膳節日方物物膳限明秋勿爲封進各殿宮朔節物膳既承 慈教亦一體停捧節進上亦爲停免以爲來頭補賑之資

京畿賑米三萬二千九十石零忠清道四萬七千八百五十九石零慶尙道十一萬四千九百七十四石零全羅道五萬一千六百石零廣州府二千石江華府五百石水原府五百石

續十二月命都下窮鄙貧寒令賑廳發賣

教曰當此窮臘之節都下貧戶雖豐穰之年不能無桂玉之歎而況今災歲嚴沍米直騰踊非但窮鄙鰥獨無以聊生貧寒班戶亦何以支保乎興念及此若恫在已實未知寢食爲安也往在歉荒每於冬春之交有發賣之例都下賴以延活今亦依此例令賑廳發賣自今月內爲始舉行而抄戶之節先宜精實然後無漏失濫雜之弊而實效可期廟堂別般講究從長知委幾巡之緩急多寡亦爲量宜措處五部及沿江各部大戶米五斗中戶四斗小戶三斗獨戶二斗合米一千三百六十八石五斗分給明年正月再巡分給二月三巡分給又賑大戶三十八中戶一千四百九十三小戶一千四百八十一獨戶五千五百九十三合八千五百五十九分給米一千四百五十三石

續十四年二月 東宮誕日命城內城外流丐都於宣惠廳以賑恤廳
錢量宜分給

續臣謹按我 聖上以恤民至仁每於是日及歲時特出內帑令
掖隸遍給都下之飢戶殆無歲無之有不可殫記故只錄是年如

右

續二十年慶尙道饑命本道公納中三十萬兩特為劃付使之從便買
穀賑濟飢民

續二十五年嶺南湖南饑命給嶺南穀一萬石錢一萬兩湖南穀一萬
石錢一萬兩

續三十一年嶠南饑特下錢五萬兩遣宣撫使賑濟翌年四月內下正

租一千石於貧民之無種者以示省耕補助之意

續光武五年命設惠民院講究賑恤之策

詔曰賑荒有國之大政也故周禮有十二荒政漢家議方春賑貸蓋
天灾有不時而民生多困瘁雖樂歲非有朝廷撫恤民不得以聊生
况凶年乎謹稽 列聖朝故事自我 仁祖朝時設賑恤廳既有以
賑救歛荒使水旱不能為之灾又有以收恤四窮之無所依歸者甲
午更張以後遂廢尤所痛限者也依賑恤廳例另設一官稱以惠民
院逐日會同爛商方畧令各條陳苟能使斯民不至死亡者朕豈無
懷保之念乎雖豐年常設無廢以養鰥寡孤獨之顛連無辜者此實
所以行我家法而俾周漢不得專美者也亦天下萬國所同行之事

也其各務究實效以保我元元

京城宣總專民社各郡宣分惠民社惠民社與惠民院相為輔車院
主賑救社主錢穀以管轄各郡分惠民社分惠民社並管轄該郡錢
穀與賑救諸務

增補文獻備考卷之一百七十一

增補文獻備考卷之一百七十一

弘文館 纂輯 校正

補交聘考

我東立國四千年于茲矣樂天知命于時保之粵自塗山之會
夫婁首赴日出之邦脫解肇聘則殷親之禮會同之儀蓋自昔
伊然矣際茲以還漢唐宋明之世琛賚惟勤渤海琉球之間聲
聞不隕朝聘之於有邦顧不重且大歟此古昔聖王行人之職
象胥之官所由設也但文獻踈漏典章闕略其可攷者獨通文
館誌數編而已勝國以上則又茫然無會通可勝慨哉矧今天
下列強屋羸自立梯航互通於歐亞冠蓋相望於昕夕尤不得



不致意於茲也乃敢哀收歷代遺蹟參以耳目覩記補作交聘

考第十二凡十三卷

歷代朝聘

檀君百二十七年夏禹氏十八年遣子解夫婁朝塗山

箕子四年周武王四年箕子朝周作麥秀歌詳見藝文考

李承休所撰帝王韻記註曰箕子走至朝鮮立國武王聞之仍封焉

箕子受封不得無臣禮因謝入覲武王遂問洪範九疇云仍作詩曰

後朝鮮祖是箕子周武遙封降命綸禮雖不謝乃入覲洪範九疇開

彝倫

後漢書曰周武王伐紂時肅慎氏來獻石弩楛矢

又曰周康王時肅慎氏復至

右渠壬申漢武帝元封二年漢遣涉何譙諭右渠右渠不肯奉朝何去

至界上臨沮水使御刺殺送何者朝鮮裨王長即馳渡入塞歸報天子

天子以殺朝鮮將上者為美名即不詰

漢復遣衛山因兵威諭降右渠右渠頓首謝罪請降遣太子入朝獻馬

五千匹太子持疑不渡沮水即引歸山還報天子誅山

新羅奈勿王二十六年晉孝武帝太元二年遣衛頭朝貢于苻秦新羅國小隔遠

未嘗通聘中國至是始遣衛頭入秦貢方物秦王堅問曰卿言海東事

與古不同何也對曰時代變革名號改易中國亦然今焉得同

法興王八年梁武帝普通二年時麗濟二國皆通聘上國新羅地偏東隅無以

自達至是隨百濟使貢方物于梁

真興王十年梁太平三年梁遣使與入學僧覺德送佛舍利于新羅王使百

官奉迎于興輪寺前

二十五年陳文帝天嘉五年遣使朝貢于北齊翌年北齊册拜王持節東夷校

尉樂浪郡公新羅王

二十六年天嘉六年陳遣劉思與僧明觀聘新羅送釋氏經論詳見藝文考

二十七年陳天康元年遣使如陳貢方物自是連年朝貢

三十三年陳宣帝太建四年遣使朝貢于北齊

三十七年太建八年遣僧安弘入周求法與胡僧毗摩羅等二僧來獻稜伽

勝鬘經及佛舍利

真智王三年太建十年遣使朝貢于陳

真平王七年陳後主至德三年遣僧智明入陳求法十八年而後還時奉佛愈

甚名僧高釋求法中國者前後相望十一年遣僧圓光入陳求法後十

二年而還十八年遣僧曇育入隋求法後十年而還

十六年隋文帝開皇六年遣使朝隋隋册王為上開府儀同樂浪郡公新羅王

自是連年朝貢

三十年隋煬帝大業四年王患高句麗屢侵封疆欲請兵于隋命圓光修乞師

表光曰求自存而滅人非沙門之行然貧道在大王之土地食大王之

水草敢不唯命是從乃述以聞乃遣使朝貢

三十三年大業七年遣使朝隋請師期帝許之

三十五年大業九年隨遣王世儀至黃龍寺設百高座邀僧圓光設經

四十二年唐高祖武德四年遣使朝貢于唐唐帝親勞問之遣散騎常侍庾文

素報聘賜璽書及畫屏風錦綵三百段自是連年朝貢

四十六年武德七年唐遣使册王為柱國樂浪郡公新羅王自是唐世世遣使册王而不必

載盡

四十七年武德八年遣使朝唐因訟高勾麗路梗不得朝且數侵掠之罪

四十九年唐太宗貞觀元年遣使朝唐因訴百濟侵掠

五十三年貞觀五年遣使朝唐獻二美女時林邑亦獻二鸚鵡帝曰彼鸚鵡

猶言苦寒思歸况二女遠別親戚乎付使者歸之

五十四年貞觀六年王薨唐贈左光祿大夫賻物段二百自是唐世世贈賻而不必盡載

善德主十二年貞觀十七年主以百濟與高勾麗連兵侵凌遣使告急于唐

帝設三策以詰之使人但唯而無對帝嘆其庸鄙曰非乞師告急之才

也遣司農丞相里玄獎喻高勾麗曰新羅委質國家朝貢不乏爾與百

濟各宜戢兵若更攻之明年發兵擊爾國矣百濟王大懼罷兵高勾麗

不奉詔

真德主二年貞觀十二年遣册帙許朝貢于唐帝勅御史問新羅臣事大國

何以別稱年號帙許對曰天朝不頒正朔故自先祖法興王私有紀年

若大朝有命小國又何敢焉帝然之

又遣伊滄金春秋及其子文汪朝唐帝遣光祿卿柳亨郊勞之既至見

春秋儀表英偉厚待之春秋請詣國學觀釋奠及講論帝許之仍賜御

製二篇及新撰晉書又召燕見賜予金帛尤厚稱以君子之國春秋奏
本國僻在海隅服事天朝積有年所而百濟強猾屢肆侵凌以塞朝宗
之路若不借天兵剪除凶惡則敝邑人民盡爲所虜梯航述職無復望
矣帝許以出師春秋又請改其章服以從華制於是內出珍服賜春秋
及其從者授春秋特進文汪左武衛將軍春秋將還奏留文汪以備宿
衛詔令三品以上餞之優禮甚備歸至海上遇高勾麗邏兵從者溫君
解高冠大衣坐於船上邏兵以爲春秋殺之春秋乘小船得免

四年唐高宗永徽元年遣金法敏春秋子告破百濟捷主自製太平頌織錦爲文
而獻之唐拜法敏爲太府卿以遣之

其頌曰大唐開洪業巍巍皇猷昌止戈戎衣定修文繼百王統天崇

兩施利物體含章深仁諧日月撫運護時康幡旗何赫赫鉦鼓何鏗
鏘外夷違命者剪覆被天殃淳風凝幽顯遐邇競呈祥四時和玉燭
七曜巡萬方維岳降宰輔維帝任忠良五三成一德昭我唐家皇

五年永徽二年遣波珍法敏弟金仁問入唐朝貢仍留宿衛

七年永徽四年遣使朝貢于唐獻金總布

太宗王二年永徽七年麗濟二國與靺鞨連兵侵新羅王遣使告急于唐帝

遣營州郡都督程名振左右衛中郎將蘇定方等發兵擊高勾麗

六年唐顯慶四年百濟犯境遣使乞師于唐帝遣左武衛大將軍蘇定方大

摠管金仁問等率水陸兵十三萬伐百濟

七年顯慶五年遣弟監天福露布告百濟捷于唐

文武王五年唐麟德二年唐遣使來吊伊滄金文汪喪追贈紫衣一襲腰帶

一條綵綾羅一百疋絹二百疋王厚遣使者金帛以遺之

六年唐乾封元年遣奈麻漢林伊滄天伊子奈麻金三老上大等庚信子入唐宿衛

又遣弟角千金仁問朝唐賀封禪帝加授仁問右驍衛大將軍食邑四

百戶

八年唐總章元年遣使貢美女于唐帝却之命勿更獻

九年唐總章二年唐遣僧法安求磁石又以擅取百濟地下詔切責王遣級滄

祇珍山獻磁石二箱又遣角千金欽純波珍滄良圖謝罪翌年唐許欽純還下良圖

獄瘦死

十二年唐咸亨三年遣級滄原川奈麻邊山等入唐乞罪兼進銀三萬三千

五百分銅三萬三千分針四百枚牛黃百二十分金百二十分四十升布六疋三十升布六十疋

十四年唐上元元年入唐宿衛大奈麻德福傳學曆術還唐以王納高勾麗

叛衆又據百濟故地詔削王官爵立王弟臨海郡公金仁問在京師者

爲新羅王遣同中書門下三品劉仁軌衛尉卿李弼右領軍大將軍李

謹行等討之翌年王乃遣使入貢謝罪帝赦之復王官爵

神文王六年唐中宗嗣聖元年遣使入唐奏請禮典及詞章武后令所司寫吉

凶要禮并於文館詞林採其詞涉規誠者勒成五十卷賜之

十二年唐嗣聖九年唐遣使勅改太宗王廟號王謝罪請改

孝昭王元年唐上同唐遣使册王爲新羅王輔國大將軍行左豹韜衛大

將軍鷄林州都督

聖德王元年

開聖九年

遣使入唐貢方物

連年朝貢一年或至數三

十一年

唐玄宗先天元年

唐遣盧元敏勅改王名

以與皇帝同名也

十三年

開元二年

遣王子金守忠入唐宿衛帝賜宅及帛以寵之賜宴于朝

堂

十六年始迴獻文宣王及十哲七十二弟子圖

遣級滄朴裕入唐賀正唐授朝散大夫員外奉御以還之

冬唐宴我使于內殿勅宰臣四品以上清官預焉初文武王得罪於

高宗使命往來恩禮漸衰及玄宗即位復加優禮本國亦誠心內附

一歲朝賀或至三四次

十五年

開元四年

遣金楓厚賀正唐授員外郎以還之

自是賀正使臣唐輒授官以還之

二十二年

開元十一年

遣使入唐獻二美女一名抱貞奈麻天承女一名貞

菟大舍忠訓女具資奴婢車馬備禮送之帝曰皆王姑姊妹違本屬別

本國朕不忍留厚賜還之

又遣使入唐獻果下馬一匹牛黃人蔘美髭朝霞袖魚牙袖鷹鈴海豹

皮金銀等上表曰臣鄉居海曲地處遐陬元無泉客之珍本乏賁人之

貨敢將方產之物塵瀆天宮驚蹇之才滓穢龍廐竊方燕豕敢類楚鷄

深覺覲顏彌增戰汗

二十三年

開元十二年

遣金武勳入唐賀正時浪北之地盡為渤海所并王

遣使涉海朝唐帝嘉其誠降詔曰卿每承正朔朝貢闕庭言念所懷深

可嘉尚又得所進雜物等並踰越滄波跋涉草莽物既精麗深表卿心

今賜卿錦袍金帶及綵素共二千疋以荅誠獻至可領也

二十七年開元六年遣王弟金嗣宗入唐朝貢兼表請子弟入國學詔許

之授嗣宗果毅仍留衛

二十九年開元八年遣王族志滿朝唐獻小馬五匹狗一頭金二千兩頭

髮八十兩海豹皮十張唐授志滿太僕卿賜絹一百疋紫袍錦袖帶仍

留宿衛

三十年開元九年唐徵王入朝王稱疾遣金志良賀正帝授志良太僕少

卿員外置賜帛六十疋降詔書賜王曰卿二明慶祚三韓善隣時稱仁

義之鄉世著勳賢之業文章禮樂闡君子之風納欵輸忠效勤王之節

固藩維之鎮衛諒忠義之儀表豈殊方憬俗可同年而語耶加以慕義

克勤述職愈勤梯山航海無倦於阻脩獻幣貢琛有常於歲序守我王

道垂諸國章乃眷懇誠深可嘉尚朕每晨興仔念宵衣待賢想見其人

以光啓沃俟卿觀止久副所懷今使至知嬰疾苦不遂祇命言念遐濶

用增憂勞時候暄和想痊復也今賜卿綾絲五百疋帛二千五百疋宜

卽領取

三十二年開元十一年唐以渤海靺鞨越海入寇登州遣太僕員外卿金思

蘭歸國加册王爲開府儀同三司寧海軍使發兵擊靺鞨

金思蘭本王族先因入朝恭而有禮仍留宿衛及是委以出疆之任

時帝賜王白鸚鵡一雙及紫羅繡袍金銀鈿器物瑞紋錦五色羅綵共

三百餘段王遣侄志廉貢方物小馬兩匹狗三頭金五百兩銀二十兩

布六十疋牛黃二十兩人參二百斤頭髮一百兩海豹皮十六張上表
曰伏惟陛下執象開元聖文神武應千齡之昌運致萬物之嘉祥風雲
所通咸承至德日月所照共三字缺伏觀瓊文跪披玉匣含九霄之雨
露帶五彩之鸞鸞辨惠靈禽素蒼兩妙或稱長安之樂或傳聖主之恩
羅錦彩章金錦寶鈿見之者爛目聞之者驚心原其獻歎之功實由先
祖錫此非常之寵延及末孫微效似塵重恩如嶽循涯揣分何以上酬
志廉至京帝詔饗於內殿賜以束帛翌年又授志廉鴻臚少卿員外置
三十三年開元二年唐放宿衛王族左領軍衛員外郎金忠信奉詔還國
忠信曾奉使留宿衛至是其從侄志廉來代之忠信上表求還討靺鞨
許之

遣大臣金端竭丹入唐賀正帝宴見於內殿授端衛尉少卿賜緋襪袍
平漫銀帶及絹六十疋

三十四年開元二年遣金義忠入唐賀正副使金榮在唐身死贈光祿少
卿時高句麗之地皆入渤海而新羅只得其南邊至是義忠廻勅賜涓
江以南地

冬遣從弟大阿滄金相朝唐道死帝深悼之贈衛尉卿

三十五年開元二年遣使賀正仍附表陳謝勅賜涓江以南地境曰臣生
居海裔功無可効勞不足賞陛下錫臣土壤廣臣邑居遂使墾闢有期

農桑得所云云

孝成王二年開元二年唐遣鴻臚少卿邢璣吊祭贈王聖德王太子太保

仍册嗣王開府儀同三司新羅王璿將發帝製詩序太子以下百僚咸賦詩以送帝謂璿曰新羅號為君子之國頗知書記有類中國以卿惇儒故持節往宜演經義使知中國儒教之盛又以國人善碁詔率府兵曹參軍楊季膺為副國高奕皆出其下於是王厚贈璿等金寶藥物璿以老子道德經等文書獻于王翌年王賜邢璿黃金三十兩布五十疋人蔘一百斤

唐又遣使册王妃朴氏

唐遣使册王妃自此始

景德王二年唐天寶二載唐遣贊善大夫魏曜册王其制書有曰大賢風教條理尤明中夏軌儀衣冠素襲代為純臣累效忠節册襲兄爵新羅王開府儀同三司使持節大都督鷄林州諸軍事兼充持節寧海軍事並

賜御註孝經一部自聖德以來至王累賜八分御札以寵之恩禮之厚

諸國無比其詔書有曰殆比卿於魯衛豈復同於藩服

十五年

天寶十五載

王聞玄宗幸蜀遣使浙江至成都朝貢玄宗御製御書

五言十韻詩賜王手札曰嘉新羅王歲修朝貢克踐禮樂名義詩曰四

維分景緯萬象含中樞玉帛遍天下梯航歸上都緬懷阻青陸歲月勤

黃圖漫漫窮地際蒼蒼連海隅興言名義國豈謂山河殊使去傳風教

人來襲典謨衣冠知奉禮忠信識尊儒誠矣天其鑑賢哉德不孤擁旄

同作牧厚貺比生荔益重青青志風霜恒不渝

宋徽宗宣和中高麗朝京使臣金富儀將此詩

刻本示館伴李邴李邴上皇帝因宣示兩府及諸學士訖傳宣曰進奉侍郎所上詩真明皇書嘉歎不已

惠恭王三年

唐代宗大曆二年

王幼冲當國太后臨朝宰相爭權相攻朝廷大

亂未暇朝聘至是始遣伊浪金隱居貢方物仍請册命帝御紫宸殿宴見而遣之

四年大曆三年唐遣倉部郎中歸崇敬册王為開府儀同三司新羅王兼册

王母金氏為大妃上國之册王大妃始此

九年大曆八年遣使朝唐獻金銀牛黃魚牙紬朝霞紬

夏又遣使謝恩帝引見於延英殿時連歲遣使恩遇甚隆其勅書有曰在九州之外可比諸侯於萬國之中乃為君子

元聖王二年唐德宗貞元二年遣金元全入唐朝貢帝降詔書曰卿俗敦信義

志秉貞純夙奉邦家克遵聲教撫茲藩服皆稟儒風禮法興行封部寧父而竭誠向闕述職無虧累遣使臣聿修貢獻雖溟渤遐廣道路悠長

贊幣往來率循舊典忠效益著嘉歎良深朕君臨萬方作人父母自中

及外合軌同文期致太和共躋仁壽卿宜保安封內勤恤蒼生永作藩

臣以寧海裔今特賜卿羅錦綾綵等三十疋衣一副銀盃一口至宜領

之妃錦綵綾羅等二十疋押金線繡羅裙衣一副銀碗一大宰相一人

衣一副銀盃一及次宰相二人各衣一副銀碗各一卿宜領受分給夏

中盛熱卿比平安好宰相已下並存問之

八年貞元八年遣使朝唐獻美女名金井蘭其女國色身香云

昭聖王元年貞元五年遣使朝唐獻人蔘不受詳見物異考

哀莊王元年貞元六年唐遣司封郎中韋丹册昭聖王為開府儀同三司

檢校太尉新羅王丹至鄆州聞王薨乃還

七年唐憲宗元和元年唐放宿衛王子金獻忠歸國仍加試秘書監

九年元和三年遣金力奇入唐朝貢力奇上言貞元十六年詔册臣故主金

俊邕為新羅王母申氏為大妃妻叔氏為王妃册使韋丹至中路聞王
薨却廻其册在中書者伏請授臣以歸勅金俊邕等册宣授與金力奇

令奉歸國仍賜王叔彥昇及其弟仲恭等門戟令本國准例給之

憲德王元年元和四年遣伊滄金昌南等入唐告哀唐遣職方員外郎崔廷

以其質子金士信副之册為開府儀同三司檢校太尉持節大都督鷄

林州諸軍事兼持節充寧海軍使上柱國新羅王又册妻貞氏為妃賜

大宰相金崇斌等三人門戟

二年元和五年遣王子金憲章朝唐獻金銀佛像及佛經等上言為順宗祈

福

九年元和二年遣王子金張廉朝唐遭風飄到明州下岸浙東官發送入

京

十一年元和四年唐討李師道遣楊州節度使趙恭徵我兵王命順天將

軍金雄元率甲兵三萬以助之

十七年唐敬宗寶曆元年遣王子金昕入唐朝貢遂奏言先在太學生崔利貞

金叔貞朴季業等請放還藩其新赴朝金允夫金立之朴亮之等十二

人請留宿衛仍請配國子監習業鴻臚寺給資糧從之特授昕金紫光

祿大夫試太常卿而還王以不辱命特除南原太守

興德王三年唐文宗太和三年遣大廉入唐朝貢帝召對於麟德殿宴賜有差

其回得茶種來

六年太和六年入唐進奉使金能儒一行回次渤海

十一年唐開成元年遣王子金義宗如唐謝恩兼宿衛翌年始放還

神武王元年開成四年遣使如唐遺淄青節度使奴婢帝聞而矜之詔令歸

國

文聖王二年開成五年帝勅鴻臚寺放還質子及年滿合歸國學生共百五

人

十三年唐宣宗大中五年入唐使阿滄元弘贊佛經佛牙來王出郊迎之時朝獻曠

絕至是始遣之

憲安王立唐朝吊册並不至

景文王二年唐懿宗咸通三年入唐使阿滄富良等一行未達渤海

五年咸通六年唐遣右諭德胡歸厚光祿主簿裴光等賻憲安王帛千匹兼

册王如故仍賜王官誥一道旌節一副錦綵五百匹衣二副金銀器七

事賜王妃錦綵五十匹衣一副銀器二事賜王太子錦綵四十匹衣一

副銀器一事賜大宰相錦綵三十匹衣一副銀器一事次宰相錦綵二

十匹衣一副銀器一事

九年咸通十年遣王子蘇判金胤等入唐謝恩兼進馬二匹鞍金一百兩銀

二百兩牛黃十五兩人參一百斤朝霞錦二十疋四十升白氎布四十

匹三十升紵衫段四十四尺五寸頭髮百五兩三尺五寸頭髮三百

兩金釵頭五色綦帶並班胷各十條膺金鎖鍔子並紛鎔紅帽二十副

新樣膺金鎖錠子紅鎔五色帔三十副膺銀鎖錠子紛鎔紅帔二十副
新樣鷹銀鎖錠子紛鎔五色帔三十副鷄子金鎖錠子紛鎔紅帔二十
副新樣鷄子金鎖錠子紛鎔五色帔三十副鷄子銀鎖錠子紛鎔五色
帔二十副新樣鷄子銀鎖錠子紛鎔五色帔三十副金花鷹鈴子二百
顆金花鷄子鈴子二百顆金鏤鷹尾筒五十雙金鏤鷄子尾筒五十雙
銀鏤鷹尾筒五十雙銀鏤鷄子尾筒五十雙繫鷹緋纈皮一百雙繫鷄
子緋纈皮一百雙瑟瑟鈿金針筒三十具金花銀針筒三十具針一千
五百枚又遣學生李同等三人隨進貢使金胤入唐習業賜買書銀三
百兩

十年咸通十一年遣沙滄金因入唐宿衛

憲康王四年唐僖宗乾符五年唐遣使册王封爵如故遣使朝唐聞黃巢賊起
乃還

八年唐中和二年遣金直諒朝唐以黃巢之亂道梗遂於楚州下岸遷迤至
揚州聞帝幸蜀從高駢請差都頭張儉押送至泗州謁帝

十一年唐光啓元年遣殿中監金僅朝唐賀破黃巢其歸持勅書兩函而來
有曰必在秉心彌苦服義不忘勉修正朔之義用契車馬之美冀使赫
曦之績首冠於他方霽霈之恩常沾於爾土

眞聖主七年唐昭宗景福二年遣兵部侍郎金處誨如唐納旌節沒於海復以
樞城太守金峻爲告奏使富城太守崔致遠爲賀正使以比歲飢荒盜
賊交于道梗不行後致遠亦嘗奉使如唐以州縣供給不繼上唐宰相

狀曰伏見元和十二年本國王子金張廉飄風至明州中和二年入朝使臣金直諒於楚州下岸并蒙發送入京前例分明伏乞特賜水陸券牒令所在供給舟船熟食及驢馬草料等件并差軍將監送至駕前幸甚

十一年

唐乾寧四年

主以民窮盜起避賢讓位禪位於兄子曉命崔致遠製

主讓位表有曰居義仲之官非臣素分守延陵之節是臣良圖又製曉嗣位表遣使入唐告奏

初渤海國自謂國大兵強而入唐朝獻使臣坐於新羅使之下至是其賀正使王子大封裔進狀謂許渤海居新羅之上帝詔以國名先後此不因強弱而稱朝制等威今豈以盛衰而改宜仍舊貫准此宣

示王因遣使附表以謝曰渤海莫慎守中唯圖犯上耻為牛後覲作龍頭妄有論陳初無畏忌向非陛下英襟獨斷神筆橫飛則槿花鄉

廉讓自沈楛矢國毒痛愈盛云云

崔致遠之辭

孝恭王十年

唐昭宣帝二年

唐以本國入唐及第金文蔚拜工部員外郎沂王

府諮議叅軍充册命使遣還

景明王七年

後唐莊宗同光元年

遣倉部侍郎金樂錄事叅軍金幼卿朝貢于後

唐

時盜賊縱橫朝聘久絕至是始遣之

八年

同光二年

遣倉部侍郎金岳朝貢于後唐後唐授岳試衛尉卿

景哀王四年

後唐明宗天成二年

遣兵部侍郎張芬等朝貢于後唐後唐授張芬

檢校工部尚書副使兵部郎中朴衍洪兼御史中丞判官倉部員外郎

李忠式兼侍御史

敬順王六年

後唐長興三年

時國勢衰弱于戈塞路久絕中國至是遣執事侍

郎金咄司賓卿李儒入後唐朝貢

高句麗大武王十五年

漢光武建武八年

琉璃王三十一年新莽降封王為下

句驪後自是與中國相絕至是嗣王遣子入漢朝貢帝詔復其王號

後漢書云漢光武建武初遼東太守蔡彤威讐北方於是濊貊倭韓

萬里朝獻

閩中王元年

建武二十年

馬韓人蘇馬謚等詣樂浪貢獻帝封為廉斯君屬

樂浪四時朝謁

慕本王二年

建武十五年

遣使入朝于漢

扶餘遣使入貢于漢帝厚答報之於是使命歲通

太祖王五十七年

漢安帝永初三年

遣使朝漢賀帝加元服

五十九年

永初五年

遣使入貢于漢求屬玄菟

六十八年

漢永寧元年

扶餘王遣子尉仇台貢獻于漢帝賜尉仇台紫綬

金綵

七十二年

漢延光三年

遣使入貢于漢

八十四年

漢順帝永和元年

扶餘王朝于漢帝作黃門鼓吹角抵戲以遣之

次大王十六年

漢桓帝熹平四年

扶餘遣使朝貢于漢

新大王十年

漢宣帝熹平三年

扶餘遣使奉章朝貢于漢

東川王七年

漢後主建興十一年

吳使張彌為公孫淵所殺其副秦朝等逃奔高

勾麗給宣吳主旨曰有賜為遼東所劫奪王喜遣皂衣三十五人送朝

等還吳奉表稱臣貢貂皮千枚鷓鴣皮十具

八年建興十年魏遣使通和

十年建興十四年吳遣使胡衛通和王斬首傳于魏

十一年建興十五年遣使如魏賀改年號

西川王元年晉武帝咸寧四年馬韓遣種保守一隅頻遣使貢方物于晉又

詣遼東上獻至是其王朝晉請內附

晉書武帝記武帝太康七年馬韓十二國來獻

美川王三十一年晉成帝咸和五年遣使後趙貢楛矢

故國原王六年晉成帝咸康二年遣使朝貢于晉

十年咸康六年遣世子朝於燕王皝

十三年晉康帝建元元年遣弟稱臣於燕貢珍異以千數燕王皝乃還其父尸

猶留王母為質

又遣使朝晉

二十五年晉穆帝永和十一年遣使如燕納質修貢以請其母燕王儁許之遣殿

中將軍刁龕報聘拜王為征東大將軍營州刺史樂浪公如故

小獸林王二年晉簡文帝咸安二年秦王苻堅遣使送佛像佛經王遣使報謝方

物

七年晉孝武帝太元二年遣使朝貢于苻堅

廣開土王九年晉安帝隆安四年遣使朝貢于燕燕王盛以王禮慢自將來侵

長壽王元年晉義熙九年遣長史高翼朝晉獻赭白馬晉拜王為持節都督

營州諸軍事征東將軍高勾麗王樂浪公

八年宋武帝永初元年宋遣使册王為鎮東大將軍餘官如故

十二年宋文帝元嘉元年遣長史馬婁如宋獻方物宋遣謁者朱劭伯王邵子

報聘

十三年元嘉二年遣使朝貢于魏時天下中分稱宋為南朝魏為北朝高勾麗兩事之連年遣使故別無可紀者不盡錄

二十三年元嘉十年遣使入魏朝貢且請國諱魏主熹嘉其誠欵使錄帝

系及諱以與之遣散騎侍郎李敖拜王為都督遼海諸軍事征東將軍領護東夷中郎將遼東郡開國公高勾麗王王遣使謝恩歲致黃金二

百斤白銀四百斤自後中國有封爵必遣使謝恩

二十四年元嘉十三年魏遣散騎常侍封撥諭令執送燕王弘王遣使表稱

當與馮弘俱奉王化魏主以熹違詔議擊之群臣諫而止

二十六年元嘉十五年宋文帝遣使者王白駒等迎燕王弘白駒襲殺高勾

麗將高仇等王以白駒等專殺我將遣使執送于宋宋主以遠國不欲違其意下白駒等獄已而原之

二十七年元嘉十六年再遣使朝貢于魏進馬八百匹

四十三年宋孝武帝孝建二年遣長史董騰于宋奉表慰國哀再周並獻方物

四十六年宋大明二年遣使朝宋獻石罽楛矢

五十四年宋明帝泰始二年魏太后以六宮未備令高勾麗王薦其女王王表言

女已出嫁請以弟女應詔許之乃遣安樂王眞尙書李敷等至境送幣或謂王曰魏曾與燕婚姻既已伐之由行人具知其夷險故也殷鑑不遠宜以方便辭之王遂上書稱女死魏疑其詐又遣散騎常侍程駿切責之曰若女死更選宗淑駿與王往復經年責以義方王不勝憤怒遂斷駿從者酒食欲逼辱之會魏主弘殂乃遣還

六十八年

齊高帝建元二年

齊遣使册王爲驃騎大將軍王遣使餘奴等朝齊

報謝魏光州人於海路得餘奴等送魏魏主下詔責王曰道成弑君竊位而卿越境外交遠通篡賊是豈藩臣守節之義今不以一過掩卿舊欵即送還藩其感恩思愆祇承明憲輯寧所部動靜以聞

六十九年

建元三年

復遣使朝貢于齊

七十九年

齊武帝永明九年

王薨魏主宏聞訃制素委貌布深衣舉哀於東郊

遣謁者僕射李安上策贈王車騎大將軍太傅遼東郡開國公高勾麗王諡曰康

時高勾麗方強魏置諸國使邸齊使第一麗使次之王亦專心事魏連歲貢獻愈謹

文咨王二年

永明十年

魏主宏遣大鴻臚拜王爲使持節都督遼海諸軍事

征東將軍領護東夷中郎將遼東郡開國公贈衣冠服物車旗之飾仍詔遣世子入朝王辭以疾遣從叔升平隨使詣魏魏主切責之是歲凡四遣使朝貢于魏王繼世職貢不怠亦通聘南朝

三年

永明十一年

齊遣使册王爲使持節散騎常侍都督營平二州征東大

將軍樂浪公

五年齊明帝建武二年齊遣使加册王為車騎將軍遣使朝貢于齊

十二年梁武帝天監元年梁册王為車騎大將軍

十三年天監二年遣使朝貢于魏魏主引見其使芮悉弗於東堂悉弗進曰

小國係誠天極累葉純誠地產土毛無愆王貢但黃金出自扶餘珂則

涉羅所產扶餘為勿吉所逐涉羅為百濟所并二品不登王府實兩賊

是為魏主曰高勾麗世荷上獎專制海外九夷黠虜悉得征之瓶罄疊

耻誰之咎也昔方貢之愆責在連率卿宜宣朕志於卿主務盡威懷之

畧擗披害群輯寧東裔使二邑還復舊墟土毛無失常貢也

十八年天監七年梁下詔曰高勾麗王樂浪郡公某乃誠著欵貢驛相尋宜

豐秩命式弘朝典可撫軍大將軍開府儀同三司持節常侍都督王如

故

二十二年天監十一年遣使朝貢于梁

二十九年天監十八年王薨魏主詔母胡太后時臨朝稱制舉哀於東堂遣

使策贈車騎大將軍

安臧王二年梁普通元年遣使朝貢于梁梁册為寧東將軍都督營平二州

諸軍事高勾麗王遣使者江法盛賜王衣冠劍佩魏兵就海中執之送

洛陽魏册王為安東將軍領護東夷校尉遼東郡開國公高勾麗王

秋復遣使朝貢于梁

五年普通四年遣使朝魏進良馬十匹

安原王元年 中大通三年 梁下詔王襲爵

二年 中大通四年 魏遣使册王為使持節散騎常侍領護東夷校尉遼東郡

開國公高勾麗王賜衣冠車騎之飾王遣使朝貢于魏

又再遣使朝貢于梁

四年 中大通六年 是年魏分為東西東魏加册王驃騎大將軍餘悉如故 自是

麗人專意於東魏貢獻不息

六年 大同二年 遣使朝貢于東魏 朝梁朝東魏朝陳朝齊朝周朝隋不止一二而只書初見及因事者

陽原王六年 梁簡文帝大寶元年 遣使朝貢于北齊北齊册王為持節侍中驃騎

大將軍領護東夷校尉遼東郡開國公高勾麗王

八年 梁孝元帝承聖元年 北齊遣崔柳來聘索魏末流人 北史云王不許柳張目叱之拳擊王墜床下左

右不敢動乃以五千戶而返

平原王三年 陳文帝天嘉二年 遣使朝貢于陳

四年 天嘉三年 陳册王為寧東將軍

二十三年 隋文帝開皇元年 遣使朝貢于隋隋册授王大將軍遼東郡公

二十六年 開皇四年 遣使朝貢于隋隋主宴使者於大興殿寵之

三十二年 開皇十年 王聞陳亡大懼理兵積穀為拒守之計隋主賜王璽書

責之曰雖稱藩附誠節未盡彼之一方地狹人少今若黜王終須更選

官屬就彼安撫王若灑心易行率由憲章即是朕之良臣何勞別遣才

彥王謂遼水之廣何如長江高勾麗之人多少陳國朕若不存含育責

王前愆命一將軍何待多力慙懃曉示許王自新耳王得書惶恐將奉

表陳謝未果而薨

嬰陽王元年開皇十年隋遣使册王為上開府儀同三司襲爵遼東郡公賜

衣一襲

二年開皇十一年遣使入隋奉表謝恩進奉因請封王隋帝許之册封高勾

麗王仍賜車服王又遣使謝恩

九年開皇十八年王率靺鞨侵遼西隋帝大怒命漢王諒率水陸軍往征之

王遣使謝罪上表稱遼東糞土臣帝罷兵待之如初

二十五年隋煬帝大業十年隋再發兵遣來護兒來征王遣使乞降因執送隋

亡將斛斯政帝罷兵仍徵王入朝王竟不從

榮留王二年唐高祖武德二年遣使朝貢于唐

五年武德五年遣使朝貢于唐帝括還麗人被俘者且詔索隋末戰士未還

者王悉搜隋人萬餘口以送

七年武德七年遣使朝貢于唐請頒曆帝遣刑部尚書沈叔安册王為上柱

國遼東郡公高勾麗王時麗人尊奉道教帝命道士以天尊像及道法

往為之講老子

冬又遣使朝貢于唐

八年武德八年遣使入唐求佛老法帝許之謂侍臣曰朕敬於萬物不欲驕

貴但據土地務其安民何必令其稱臣以自尊大裴矩溫彥博進曰遼

東之地周為太師之國漢家之玄菟郡耳魏晉以前近在提封之內不

可許以不臣若以高勾麗抗禮四夷必當輕漢乃止

九年

武德九年

唐遣散騎常侍朱子奢持節詔諭三國連和王上表謝罪

十一年

唐太宗貞觀二年

遣使入唐賀平突厥兼上封域圖

十四年

貞觀五年

唐遣廣州司馬長孫師臨瘞隋戰士骸骨祭之毀當時所

立京觀

二十三年

貞觀四年

遣世子桓權朝貢于唐帝勞問賜賚特厚王遣子弟

入唐請入學

二十四年

貞觀五年

唐遣職方郎中陳大德報聘大德入境所至城邑以

綾綺厚餉守者曰雅好山水欲觀勝處遊歷殆遍悉得山川道里險易

及還備陳其虛實水陸合勢取之不難但山東州縣凋瘵吾不欲勞之

二十五年

貞觀六年

王被弒唐帝聞之舉哀於國中詔贈物三百段遣使

持節吊祭亳州刺史裴思莊請擊之帝曰高勾麗職貢不絕為賊臣所

弒朕甚哀之但山東凋弊未忍用兵耳

寶藏王二年

貞觀七年

遣使朝貢于唐帝遣道士叔達等又賜道德經

詳見

藝文考

唐遣司農丞相里玄奘璽書賜王曰新羅委質國家朝貢不乏爾與百

濟宜各戢兵若更攻之明年發兵擊爾國矣蓋蘇文不奉詔

又遣蔣儼諭旨以觀動靜蘇文以兵脅之使者不屈遂囚窟室帝聞之

大怒親征之議遂決

秋蓋蘇文遣使貢白金褚遂良曰今將討之而納其金是郅鼎之類也

帝不受囚其使

五年貞觀二十年王及蓋蘇文遣使謝罪并獻二美女雖遣使奉表其言率

皆詭誕又待唐使倨慢詔勿受其貢更議討之且曰色者人所重然憫

其去親戚以傷其心並還其女

六年貞觀二十一年王遣子莫離支任武朝唐謝罪帝許之

十一年唐高宗永徽三年遣使朝貢于唐

十五年唐顯慶元年遣使朝貢于唐賀册皇太子

二十四年唐麟德二年遣太子福男朝唐賀祠泰山高勾麗朝唐止此

百濟近肖古王二十七年晉簡文帝咸安二年遣使朝貢于晉

二十八年晉孝武帝寧康元年遣使朝貢于晉

近仇首王五年晉太元四年遣使朝貢于晉海上遇惡風未達而還

枕流王元年太元九年遣使朝貢于晉

胡僧摩羅難陀自晉至東國佛法始此

腆支王十二年晉安帝義熙十二年晉遣使册王為使持節都督百濟諸軍事鎮

東將軍百濟王

久爾辛王元年宋武帝永初元年宋遣使册王為鎮東大將軍餘官如故

五年宋主義符景平二年遣長史張威朝貢于宋宋遣謁者閻丘思子丁敬子報

聘自是每歲貢獻

毗有王二十四年宋文帝元嘉二十七年遣使朝貢于宋求易林式占腰弩而歸

詳見藝文考

盖鹵王四年宋孝武帝大明二年遣使朝貢于宋因表請冠軍將軍右賢王餘紀

等十一人忠勤並求顯進詔並加優進

十八年宋泰豫元年始遣冠軍將軍駙馬都尉弗斯侯長史餘禮龍驤將軍

帶方太守司馬張茂等朝貢于魏仍請伐高勾麗魏主宏以其僻遠冒

險朝獻禮遇尤厚而不許其請遣使者邵安與其使者俱還詔禮等還

自平壤又詔高勾麗護送安等麗王稱與百濟有讎不令東過安等皆

還魏主下詔切責麗王復使安等從東萊浮海賜百濟王璽書諭令息

爭安等遇風不達而還百濟王怨魏遂絕朝貢

文周王二年宋主昱元徽四年遣使朝貢于宋以高勾麗塞路不達而還

東城王六年齊武帝永明二年王聞高勾麗受齊册命遣使表請內屬齊王許

之册王為大都督百濟諸軍事鎮東大將軍百濟王

又遣內法佐平沙若思朝貢于齊至西海中遇高勾麗徼海巡卒不達而還

武寧王十一年梁武帝天監十年梁册王為征東大將軍

十二年天監十一年遣使朝貢于梁

二十一年梁普通二年先是百濟為高勾麗所破衰弱累年遷居南漢地至

是遣使入梁朝貢上表稱累破高勾麗始與通好而更為強國梁主加

册王下詔曰百濟王餘隆守藩海外遠修貢職迺誠欵到朕有嘉焉宜

率舊章授茲榮命可使特節都督百濟諸軍事寧東大將軍

聖王十九年梁大同七年遣使朝貢于梁兼表請毛詩博士涅槃等經義并

工匠畫師并從之

二十七年 梁太清三年 王不知有侯景之亂而遣使朝貢于梁使者見城闕

殘毀號泣於端門外見者莫不灑淚侯景怒而囚之及景敗乃還 李暉曰

其使臣蓋亦節義之士而史失其名可恨

威德王十四年 陳主伯宗光天二年 遣使朝貢于陳

十七年 陳宣帝太建二年 北齊主緯遣使册王為使持節侍中車騎大將軍帶

方郡公百濟王翌年加册都督東青州諸軍事東青州刺史

二十四年 大建九年 遣使朝貢于周

二十八年 隋文帝開皇元年 遣使朝貢于隋隋册王為上開府儀同三司帶方

郡公

三十六年 開皇九年 隋平陳有一戰船飄到耽牟羅國 即今濟州 其船得還經于

百濟界王厚資送之仍遣使于隋賀平陳帝善之下詔曰百濟王既聞

平陳遠令奉表往復至難若逢風浪便致傷損百濟王心迹淳至朕已

委知相去雖遠事同言面何必數遣使來想體悉自今以後不須年別

入貢朕亦不遣使往王宜知之百濟使者舞蹈而去

四十五年 開皇十八年 王聞隋興遼東之役遣長史王辯那入隋朝獻請為

軍導帝詔諭曰往歲高勾麗不供職貢無人臣禮故命將討之高元君

臣畏服歸罪朕已赦之不可致伐厚其使者而還之

武王八年 隋煬帝大業三年 遣杆率燕文進朝貢于隋又遣佐平王孝隣入貢

兼請討高勾麗帝許之令覘高勾麗動靜以聞

十二年 大業七年 遣國智年朝貢于隋兼請軍期帝厚加賞賜遣尙書郎席

律來與王相謀

二十二年 唐高祖武德四年 遣使朝唐獻果下馬

二十五年 武德七年 遣大臣入唐朝貢帝嘉其誠款遣使就册王為帶方郡

公百濟王

二十七年 武德九年 遣使朝唐獻明光鏡因訟高勾麗梗路不許來朝上國

帝遣散騎常侍朱子奢詔諭二國平怨

二十八年 唐太宗貞觀元年 遣王姪福信朝貢于唐帝降璽書諭三國連和王

遣使奉表陳謝雖外稱順命內實相仇如故

三十八年 貞觀十一年 遣使朝唐獻鐵甲雕斧帝優勞之賜錦袍并彩帛三

千段

四十年 貞觀十三年 遣使朝唐獻金甲雕斧

四十一年 貞觀十四年 遣子弟於唐請入國學

四十二年 貞觀十五年 王薨遣使告訃於唐使者入唐素服奉表曰君外臣

扶餘璋卒帝舉哀於玄武門賻賜甚厚下詔曰懷遠之道莫先於寵命

飾終之義無隔於遐方故柱國帶方郡公百濟王扶餘璋棧山航海遠

稟正朔獻琛奉牘克固始終奄致薨殞追深愍悼宜加常數式表哀榮

贈光祿大夫

義慈王元年 貞觀十五年 唐遣祠部郎中鄭文表册命為柱國帶方郡公百

濟王遣使朝唐表謝兼獻方物自是三國君薨無不告哀嗣位無不受

册 自是歲至四年連遣使朝貢

十一年唐高宗永徽二年遣使朝貢于唐帝璽書諭王解患釋紛令歸新羅侵

地王不從命



增補文獻備考卷之一百七十一

明治四十四年八月

